

LIBRARY
OF THE
UNIVERSITY OF ILLINOIS

INCERTI AUCTORIS
CARMEN PANEGYRICUM

IN
CALPURNIUM PISONEM

CUM
PROLEGOMENIS ET ADNOTATIONE CRITICA.

EDIDIT

CAROLUS FRIDERICUS WEBER
PROFESSOR MARBURGENSIS.



MARBURGI

IMPENSIS N. G. ELWERTI BIBLIOPOLAE ACADEMICI

MDCCCLIX.

mis. H. 11. 12

INCERTI AUCTORIS

CARMEN PANEGYRICUM

IN

CALPURNIUM PISONEM

CUM

PROLEGOMENIS ET ADNOTATIONE CRITICA.

EDIDIT

CAROLUS FRIDERICUS WEBER

PROFESSOR MARBURGENSIS.

MARBURGI

IMPENSIS N. G. ELWERTI BIBLIOPOLAE ACADEMICI

MDCCCLIX.

1700TH STREET

CARMIN PAMPHLET

CARMIN PAMPHLET

PRODUCTION OF THE CARMIN PAMPHLET

1700TH STREET

CARMIN PAMPHLET

1700TH STREET

1700TH STREET

1700TH STREET

PROLEGOMENA
DE
CARMINE PANEGYRICO
IN
CALPURNIUM PISONEM.

Superest nobis ex antiquitate Romanorum carmen Anonymi satis bonum, quod colorem quidem rhetoricum, ut alia poemata latina, prae se ferens, sed concinne, eleganter, docte compositum ¹⁾, laudes Calpurnii cujusdam Pisonis versibus hexametris celebrat, primum gentis, qua sit oriundus, nobilitatem vs. 3—24, tum virtutes ejus publicas vs. 25—83 ²⁾ et privatas vs. 84—105, animi deinde ingeniique dotes cum habitu et vultu vs. 106—160, denique artem poeticam aliaque studia liberalia vs. 161—208. Jam quaeritur quinam fuerit ille Calpurnius Piso, cujus neque praenomen in panegyrico apparet, neque res gestae a poeta anonymo commemorantur, nisi quod Consul Caesari nescitur cui gratias egisse fertur v. 69 sqq. Itaque viri docti in diversas

1) Oudendorpio ad Vitam Lucani stilus hujus carminis videtur *languidus et repens*, C. Barthio contra (*Advers.* XLIX, 7) *panegyricum adeo dulce, cultum et eruditum est, ut malit aliis tertio prolixioribus tanto carere quam isto*. Nam, ut ait Reichard *Sylog. Opusc. velt.* p. 45 in nostro carmine *per omnia dominatur ordo rerum lucidus, color quidam laetus et*

hilaris, oratio floridior, versus molliiter fluentes et magna suavitare conditi. Iudice Bernhardt Grundr. d. röm. Lit. p. 458 carmen est frigidum sed simpliciter et emendate scriptum.

2) Numeros versuum sequimur, qui in Heldii et nostra editione legantur.

de hoc Pisone sententias discesserunt. Jo. Sichardus ¹⁾ princeps editor carminis nostri et qui eum sequitur Micyllus, ut ex indice utriusque in editione Ovidii patet, intelligunt eum L. Pisonem, *ad quem extat et Horatii Ars poetica*, Consulem anni ²⁾ 739, *qui*, ut Schol. Horatii ad A. P. dicit, *et ipse poeta fuit et studiorum liberalium antistes*; sed quas Tacitus ³⁾ et Vellejus ⁴⁾ in eo laudant virtutes et res bene gestas, frustra in hoc panegyrico quaeris. Accedit quod quae inde a vs. 230 sqq. de Maecenate patrono Virgilii, Varii et Horatii dicuntur, inprimis vs. 248, ubi Maecenatis nomen quasi in proverbium iam abiisse videtur ⁵⁾, melius ad posteriora tempora quam ad aetatem Horatianam spectant, ut nihil ⁶⁾ dicamus de tota carminis dictione et de usu singulorum vocabulorum, quae ab aurea aetate abhorrent.

Quam ob rem alii alium Calpurnium Pisonem in nostro panegyrico praedicari volunt. Et sane post Augustum fuerunt complures Pisones, qui consules facti famam quandam colligerent, *L. Calpurn. Piso* anno ⁷⁾ 780 et *L. Calpurn. Piso* anno ⁸⁾ 810, quum hic vectigalibus publicis praepositus ⁹⁾, postea Africae Proconsul ¹⁰⁾ nominatus esset, sed neuter talis fuit, ut laudes panegyrici nostri mereret; nihil certe praeclari de iis constat. Nihilominus J. Lipsius ¹¹⁾, praenomina Lucii et Caii Pisonum confundens, Lucium Consulem anni 810 in panegyrico laudari male opinatur.

Insignis contra, quem celebrasse poeta videri possit, olim floruit *L. Piso Frugi Licinianus*, ab imperatore Galba ¹²⁾ anno 822 adoptatus, juvenis egregius, qui praeditus *indole praeclara* ¹³⁾, ad omnem virtutem aptissima, inprimis modestia ¹⁴⁾, et *nobilis utrimque, cultu habituque moris antiqui et aestimatione recta severus, deterius interpretantibus tristior habebatur* ¹⁵⁾, quibuscum conferri possunt in carmine vs. 100—105, et qui *fidem, liber-*

1) Ovid. Oper. amat. T. I Praef. *Ad Pisonem id est scriptum, eum opinor, ad quem et Horatii ars poetica extat.*

2) Cf. Fast. ap. Orell. p. LIX.

3) Ann. VI, 10. *L. Piso pontifex — nullius servilis sententiae sponte auctor et quotiens necessitas ingrueret sapienter moderans. — decus triumphale in Thracia meruerat. Sed praecipua ex eo gloria, quod praefectus urbi recens continuum potestatem et insolentia parendi graviores mire temperavit.*

4) II, 98. *Atrox in Thracia bellum ortum — L. Pisonis, quem hodieque diligentissimum atque eundem lenissimum securitatis urbanae custodem habemus, virtus compressit. — de quo viro hoc omnibus sentiendum ac praedicandum est, esse mores ejus vigore ac lenitate mixtissimos et vix quemquam reperiri posse, qui aut otium validius diligat, aut facilius sufficiat negotio, et magis quae agenda sunt curet sine ulla ostentatione agendi*

5) *Tu mihi, Maecenas, tereti cantabere versu.*

6) Praetermittimus ea, quorum de tempore, quo instituta sint, nihil certi constat, et ludos Neapolitanos quinquennales vs. 91; cf. Sueton. Octav. 99 et quo de Cicerone vs. 35 dicuntur.

7) Orelli Inscript. Nr. 56. 8056 et Clinton. Fast. Rom. T. I p. 10.

8) Orelli Nr. 6617 et Clinton p. 38.

9) Tacit. XV, 18.

10) Tacit. H. IV, 38. 48.

11) Ad Tac. XIV, 14.

12) Sueton. Galb. 17.

13) Tacit. Hist. I, 15.

14) Plutarch. Galb. 23. *Νεανίαν ἐν τῇ πρὸς πᾶσαν ἀρετὴν εὐθυτά τὸ κόσμιον καὶ αὐστηρὸν ἐμφανεστάτα ἔχοντα.* et Dio Cass. LXIX, 4. *Λούκιον Πείσωνα νεανίσκον εὐγενῆ, ἐπιεικῆ, φρόνιμον.*

15) Tacit. Hist. I, 14.

talent, amicitiam, praecipua humani animi bona ¹⁾ tenebat, quibuscum optime conveniunt vs. 106 et 107. Veruntamen is neque nomen Calpurnii habuit, ex gente Liciniana ²⁾ in Pisonianam adoptatus, quod panegyrista silentio non praeteriisset, neque Consul factus est, quia ante adoptionem, ut ait Tacitus ³⁾, *fortunam tantum adversam tulit*, cum Piso, qui in panegyrico laudatur, *felix faustusque fuisse* dicatur.

Beckius autem, recentissimus panegyrici editor, p. 8 sq. hominem laudibus, quae de quolibet alio Pisonis dici potuissent, a poeta plus aequo ornatum, ex Calpurniis Pisonibus, a Plinio ⁴⁾ commemoratis, natu maiorem esse contendit, qui pietatis erga fratrem gloriam consecutus sit, atque eundem C. ⁵⁾. *Calpurnium Pisonem*, qui sub imperio Trajani anno 864 Consul fuerit ⁶⁾. Idem jam ante Beckium C. Barthius ⁷⁾ conjecerat. Cui sententiae nihil esse tribuendum recte judicat Unger ⁸⁾, quum poeta pietatem Pisonis erga fratrem procul dubio in laudibus commemorasset neque quidquam aliud de Pisonis illo Pliniano memoriae proditum sit. Idem valet de Pisonis Martialis ⁹⁾, quem Beckius p. 9, fluctuans utrum intelligere debeat, cum altero profert; eodem enim jure possis et L. Calpurnium Pisonem dicere, qui certe Consul fuit anno ¹⁰⁾ 928.

Jam reliquum est, ut sententiam comprobemus eorum, qui Pisonem in panegyrico celebratum eundem esse dicunt atque C. Pisonem Calpurnium auctorem conjurationis Neronianae, ita ut carmen nostrum ante necem ejusdem compositum fuisse censendum sit. Qua in re fere omnes inde ab Hadriano Junio ¹¹⁾ consenserunt interpretes et merito. Etenim quae in Pisonis panegyrici laudantur virtutes, nobilitas generis, summum ingenium, magna eloquentia, vis poetica artesque aliae ingenuae, liberalitas et elegantia morum ¹²⁾, eadem Tacito locupletissimo teste inerant in Pisonis principe conspiracyonis. C. ¹³⁾ *Piso*, inquit Tacitus ¹⁴⁾, — *Calpurnio genere ortus ac multas insignesque familias paterna nobilitate* ¹⁵⁾ *complexus claro apud vulgum rumore erat per virtutem aut species virtutibus similes. namque facundiam tuendis civibus exercebat* ¹⁶⁾, *largitionem* ¹⁷⁾ *adversus*

1) Tacit. l. l. 15.

2) Tacit. l. l. 14. *Piso M. Crasso et Scribonia genitus.*

3) Tacit. l. l. 15.

4) Epist. V, 17, 2.

5) Hoc praenomen tuetur Marini in Atti dei frat. arval. p. 818 sq. Alius ejusdem anni CS. dicitur *Marcus* vel *Lucius*; cf. Cramer. ad Schol. Juven. p. 177 et Marin. l. l.

6) Orelli Nr. 1520. 4956 et Clinton p. 96.

7) Ad Claudian. de laud. Stil. I, 28; cf. et Cramer. l. l., qui tamen Barthium de aetate Pisonis centenaria immerito vituperat.

8) In censura editionis Beckianae apud John T. XVII p. 263.

9) Epigr. V, 54, 2.

10) Clinton p. 176 et Orell. Nr. 4359.

11) Sic Wernsdorf P. L. M. T. IV p. 36 et Unger p. 264.

12) Lips. ad Tacit. A. XV, 48. *Has omnes laudes C. Pisonis cecinit quicumque ille adolescens poeta in panegyrico ad Pisonem.*

13) In eodem praenomine consentiant cum Tacito Sueton. Cal. 25 et Dio Cass. LIX, 8. Egit de C. Pisonis Wernsd. l. l. p. 36 sqq.

14) XV, 48.

15) Cf. Paneg. 3 et 7.

16) Cf. Paneg. vs. 40 sq.

17) Hinc dicitur et *bonus* apud Juvenal. IX, 105,

amicos et ignotis quoque comi sermone et congressu ¹⁾. aderant etiam fortuita, corpus procerum, decora facies ²⁾; sed procul gravitas morum aut voluptatum parsimonia lenitati ³⁾ ac magnificentiae et aliquando luxu indulgebat.

Quae verba, ut recte ait Junius ⁴⁾, cum Lucani (i. panegyristae anonymi) dictis si expendas, non ovum ovo similis invenias. Idem Tacitus ⁵⁾ C. Pisonem tragico ornatu cecinisse narrat atque studia militum ⁶⁾ et populi ⁷⁾ favoremque nobilium habuisse. Tum Scholiasta Juvenalis ⁸⁾, qui praeter unum ex Tacito, ut patet, exscriptum alia nobis tradit nova, sed et ipsa in universum cum laudibus panegyrici consentanea, partim ex ipso panegyrico, partim ex Suetonio aliisque hausta. Leguntur apud eum haec: *Piso Calpurnius, antiqua familia, scenico habitu tragoedias actitavit. in latrunculorum lusu tam perfectus et callidus ut ad eum ludentem concurreretur* ⁹⁾. ob haec insinuat Caio Caesari repente etiam relegatus est, quod consuetudinem pristinae uxoris abductae sibi ab ipso, deinde remissae repetisse existimabatur. Mox ¹⁰⁾ sub Claudio restitutus et post consulatum materna hereditate dilatus magnificentissimus vixit, meritis ¹¹⁾ sublevare inopes ex utroque ordine solitus, de plebe autem certos quotannis ad equestrem censum dignitatemque promoveret. Deinde Suetonius ¹²⁾ haec de C. Pisone perhibet: *Liviam Orestillam C. Pisoni nubentem, cum ad officium et ipse venisset, ad se deduci imperavit intraque paucos dies repudiat, biennio post relegavit, quod repetisse usum prioris mariti tempore medio videbatur.* Dio Cassius autem, alios ¹³⁾ nimirum auctores secutus, eadem ita refert: Ἐγγημε Κορυθλίαν Ὀρεστίναν, ἣν ἤρπασεν ἐν αὐτοῖς τοῖς γάμοις, οὓς τῷ ἐγγεγυημένῳ αὐτὴν Γαίῳ Καλ. πουρνίῳ Πείσωνι συνεώραζε. πρὶν δὲ δύο μῆνας ἐξελεῖν ἀμφοτέρους σφᾶς, ὥς καὶ συγγιγνομένους ἀλλήλοις ἐξώρισε καὶ τῷ γε Πείσωνι δέκα δούλους ἐπάγεσθαι ἐπιτρέψας εἶπ', ἐπειδὴ πλείονας ἤτήσατο, ἀφῆκεν ὅσοις ἂν ἐθλήσῃ χρῆσασθαι, εἰπὼν ὅτι καὶ στρατιῶται τοσοῦτοι σοὶ συνέσονται.

Attamen fuerunt, qui C. Pisonem Suetonii et panegyristae eundem esse negarent, quum in carmine nihil de Orestilla uxore et de exilio ejus dictum sit, sed poeta silentio praeteriit

quod et Martial. XII, 36, 8 attingere videtur. Cf. et Panegy. 110 sq.

1) Cf. Paneg. vs. 129 sq.

2) Cf. Paneg. vs. 100 sq.

3) i. vitae otiosae.

4) l. l.

5) XV, 65.

6) XV, 59 et paulo post miles favore imbutus.

7) XV, 48.

8) Ad Sat. V, 109.

9) Beckius p. 8, hoc vocabulum ipse falso interpretatus, Scholiastam id male intellexisse sibi persuasit eo inductum, quod is usus MS. panegyrici, in quo vs. 178—189 post vs. 218 collocati fuissent, v. haeret

vs. 188 ad latrunculorum lusu retulisset. Attamen ad explicandum errorem Scholiastae, si modo erat, sufficit sumere, quod post v. reliquit vs. 189 non fuit interpunctum; sed recte interpretatur Unger p. 263 concurreretur ab amicis et familiaribus, non, ut Beck. vult, a populo. Quae vero Beckius inde colligere vult ad demonstrandum Pisonem Neronianum alium esse atque in Panegyrico celebratum, adeo perplexa et involuta sunt, ut ea sicco pede transeamus.

10) Haec et quae sequuntur solus habet Scholiastes.

11) i. largitionibus.

12) Calig. 25.

13) De differentiis Suetonii et Dionis LIX, 8 in hac re cf. Cramer. ad Schol. Juven. p. 176 recte disputans.

hanc rem, quippe quae ad laudes Pisonis nihil conferret, ut recte iam Cramerus l. 1. observavit. Accedit quod Piso, cui amicitia erat cum Caligula ¹⁾, idemque C. Piso, cui Caligula sponsam in nuptiis abduxerat, non modo frater arvalis sub Caio Caligula, pleno nomine C. Calpurnius Piso dicitur ²⁾, sed etiam postea, cum munus sacerdotii arvalis perpetuum esset, frater arvalis sub Claudio ³⁾ anno 795, quo Claudius *pater patriae* appellatus est, ut nummus apud Eckhelium ⁴⁾ docet, et sub Nerone anno ⁵⁾ 812 813 et 815 nominatur ⁶⁾.

Maiorem de persona inicit scrupulum, quod C. Calpurn. Piso vs. 70 panegyrici ⁷⁾ consulatum gessisse dicitur neque tamen consul ejus nominis sub imperio Caligulae et Claudii et Neronis in fastis commemoratur. Praeter panegyristam vero Scholiasta quoque Juvenalis consulatum C. Pisonis laudat, sed is rem ex carmine nostro hausisse videtur vel ex fonte obscuro. Nihilominus C. Pisonis consulatus in dubium vocari non debet. Etenim quum C. Piso in numero consulum ordinariorum illius temporis, qui nobis superest, non inveniatur et nihilominus in senatu Caesari gratias pro consulatu egisse vs. 71 perhibeatur, quod plerumque a consulibus suffectis factum esse constat, ut panegyricus C. Plinii Secundi consulis suffecti Trajano dictus docet ⁸⁾, et quum nomina aliorum consulum aliis annis suffectorum in Fastis praeterita esse neque omnia a Tacito aliisque scriptoribus laudari manifestum sit, Calpurnium Pisonem quoque suffectum fuisse sed nomen ejus in Fastis excidisse verisimillimum est. Tum virum nobilissimum, indole eximia praeditum tantisque virtutibus ornatum, qualis C. Piso fuisse fertur, eundemque amicum Imperatorum, et Caligulae ⁹⁾ et Neronis ¹⁰⁾, consulatum obtinuisse admodum credibile est. Denique res auctoritate panegyristae nititur, qui laudes Pisonis cumulare sane atque augere poterat, sed ejusmodi rem novam fingere, nedum in os Pisonis proferre non debebat. Neque obstat, quod is, qui consul fuerat vel fuisse dicitur, post consulatum a poeta vs. 32 et vs. 211 *juvenis* appellatur, sive quod Varrone apud Censorinum ¹¹⁾ teste in tertio gradu qui erant usque XLV annos *juvenes* appellabantur, eo quod rem publicam in re militari possunt *juvare*, sive quod C. Piso Neronis beneficio, ut passim fiebat ¹²⁾, lege Villia annali solutus, ante annum XLIII consul factus erat, qua de re postea videbimus.

1) Sueton. Cal. 3, 10.

2) Marini Tab. VII Arval. Tom. I. p. CIX et p. 73.

3) Marini Tab. IX Arv. p. CXI et p. 75.

4) Doctr. num. T. VI p. 239.

5) Marini Tab. XV Arv. p. CIX et Tab. XVII, b p. CXXIII. Errat Cramer. ad Schol. Juv. p. 174 hos quatuor lapides esse ex aetate Caligulae dicens.

6) Marini l. l. p. 73.

7) Cum tua bis senos numeraret purpura fasces.

8) Wernsd. ad Pan. nostr. vs. 71.

9) Sueton. Calig. 3.

10) Tacit. XV, 52. In villam Pisonis Caesar crebro — ventitabat balneasque et epulas inibat omissis cubiculis.

11) De die natali 14, 2. Isidorus Orig. XI, 2 adeo quinquagesimum annum constituit juventutis terminum.

12) Tacit. A. 1, 3. Sueton. Cal. 1.

Et C. Pisonem Nerone imperante neque adeo juvenem, neque seniore, fuisse ex eo colligi potest, quod *favorem veterum militum* ¹⁾ habuisse dicitur, et quod Tacitus ²⁾ de amore eius erga Arriam Gallam uxorem memoriae tradidit.

Jam quaeritur, quonam anno C. Piso consul fuerit suffectus. Onuphrius Panvinus ³⁾, cujus sententiam probat et Wernsdorf ⁴⁾, propter inscriptionem, quae est tabulae VIII fratrum arvalium, C. Pisonem consulem suffectum anni 801 fuisse sibi persuasit, quippe qui in ea cum L. Vitellio Lucii filio commemoretur, quem ex Julio mense eiusdem anni consulem suffectum fuisse Suetonius ⁵⁾ testetur. Attamen in tabula, quae et alios recenset viros, Paullum ⁶⁾, Pompeium etc., non tam consules, quorum dignitas nusquam laudatur, quam fratres arvaes nominantur; deinde L. Vitellius de sententia Panvini secundum eandem tabulam arvaem iam ab Januario vel a Kal. XVI Febr. consul suffectus fuisset, quum Suetonio auctore potius ex Juliis A. Vitellium fratrem in consulatu sequeretur; denique C. Piso, si anno consulari legitimo consulatum suscepisse sumitur, aetate paullo senior videatur, quam ut pro auctore conjurationis haberi et tantum uxoris amoris *dedisse* ⁷⁾ possit. Itaque Clinton ⁸⁾ nomen C. Pisonis consulis suffecti, quod Panvinus inconsiderate addiderat, recte ex fastis anni 801 removit.

Fuerunt alii, qui consulatum C. Pisonis in annum 810 statuerent, ita tamen ut Lucium praenomen Calpurnii Pisonis, qui in Fastis una cum Nerone Imperatore consul fuisse dicitur ⁹⁾, in Caium commutarent, J. Lipsius, qui in errorem lapsus est, et Lemairius ¹⁰⁾, qui culpam consulto commisit. Talis enim commutatio admodum temeraria nulla ratione admitti potest, cui adversatur imprimis Fastorum auctoritas una cum inscriptionibus ¹¹⁾, sed et Tacitus, qui Lucium Pisonem diserte nominat consulem designatum ¹²⁾ et factum ¹³⁾, virum consulem ¹⁴⁾ et proconsulem ¹⁵⁾ Africae anno 822, cui provinciae nonnisi consulares praeesse ex lege constitutum erat. Inconsiderate igitur Lemairius praenomen Lucii mutavit.

Nihilominus cum Ryckio ¹⁶⁾ ad Tacitum ¹⁷⁾ annus 810 consulatui Caii Calpurn. Pi-

1) Tac. A. XV, 59.

2) I. I. Testamentum foedis adversus Neronem adulationibus amoris uxoris dedit, quam degenerem et sola corporis forma commendatam amici matrimonio abstulerat.

3) Fast. II p. 200; eadem inscriptio apud Gruter. 116 nr. 5 et apud Marinum Tab. VIII.

4) P. L. M. T. IV p. 37 sq.

5) Vitell. 3. L. Vitellius (pater) filios — consules vidit et quidem eodem ambos totoque anno, cum maiori minor in sex menses successisset.

6) Paullus Fabius Persicus CS. erat cum L. Vitellio anno 787; cf. Clinton p. 18.

7) Tacit. A. XV, 59.

8) Cramer. quoque ad Schol. Juv. p. 176 sq. de hoc C. Pisonis consulatu merito dubitat.

9) Ad Tacit. XIV, 14.

10) Poet. L. M. T. IV p. 42.

11) Apud Murat. p. 305, 2 et Mommsen Inscr. Neap. Nr. 4246.

12) A. XIII, 20.

13) XIII, 31; cf. et Plin. Epist. III, 7.

14) XV, 18.

15) Hist. IV, 38 etc.

16) Is Lucanum sed non sine dubitatione aliquo pro auctore Panegyrici habet.

17) Ann. XV, 48 p. 278. Inducor ut credam hunc C. Pisonem eo ipso anno [810] consulem fuisse ex Kal. Juliis et fratre aut patruelem existisse L. Pisonis, qui annum cum Nerone II Consul aperuerat.

senis erit constituendus, sed ita ut eum consulem *suffectum*, non *ordinarium* fuisse dicamus. Etenim quum in magno consulum numero nomina et ordinariorum et suffectorum passim inter se convenirent ¹⁾, e. g. *Vitelliorum* ²⁾ anno 801, facile fieri poterat, ut non modo praenomina consulum ejusdem nominis interdum commutarentur, quod in ipsis Calpurnis Pisonibus anni 864 factum esse videmus, ubi praenomina *Marcus*, *Caius*, *Lucius* confuse sunt ³⁾, sed etiam singula nomina praeterirentur et omitterentur. Hoc et in Calpurnio Pione evenisse videtur, qui loco fortasse Neronis consulis ordinarii ⁴⁾ suffectus et cum altero L. Calpurnio Pione consulatu conjunctus in oblivionem est adductus. Quodsi C. Pisonem anno 810 consulem ex lege annali Villia constitutum fuisse sumamus, per aetatem ejus optime fieri potuit, ut is imperante Caligula ab anno aetatis XX ad XXIV vixerit, annos XLIII natus consul suffectus fuerit, post consulatum juvenis a poeta recte appellatus sit et anno aetatis LI diem supremum obierit.

Ut de Calpurnio Pione summo nostri panegyrici argumento inter viros doctissimos addubitatum est, ita et de auctore carminis multum est disputatum. Attribuerunt enim panegyricum Virgilio, Ovidio, Lucano, Saleio Basso, Statio, Calpurnio bucolico, aliis.

Qui panegyricum nostrum *P. Virgilio Maroni* assignarunt, quod J. A. Fabricius testatur ⁵⁾, id neglecta temporum ratione fecerunt, quum Piso in carmine laudibus celebratus non sit Horatianus, quod illi sibi persuaserunt, sed ut demonstravimus Neronianus. Carmen panegyricum non esse Virgilii docent et vs. 230—237, in quibus Virgilius ipse praedicatur. In codice sane, cojas ope J. Sichardus panegyricum edidit, id Maroni adscriptum ⁶⁾ fuit, sed nemo, quod sciam, in Virgilii carminibus minoribus vel in catalectis evulgavit; recepit quidem Jos. Scaliger id in Appendicem Virgilii sed Lucano inscriptum.

Ad *P. Ovidium Nasonem* primus retulit J. Sichardus. ⁷⁾ carmen panegyricum, quod quamquam ab Ovidii dictione nonnihil abhorreat, — putavit tamen dignum ut inter Ovidiana locum sortiretur atque hoc demum pacto abint erituo dicaretur. Accedit quod Sichardus, ut recte Jul. Held ⁸⁾ conjecerat, carmen nostrum ex codice primum protulit, qui *fragmenta* ⁹⁾ quaedam Ovidii ex libris — *Epigrammaton* ¹⁰⁾, sic enim a Prisciano citantur, habebat, sicut et codex Varsaviensis *partem Catalectorum Ovidii*, quae Goldastus ¹¹⁾ edidit, in

1) Marini l. l. p. 818 sq.

2) Sueton. Vitell. 3.

3) Marini l. l. et Cramer. ad Schol. Juv. p. 177.

4) In nummo certe apud Eckhel. T. VI. p. 263, 2, qui anno 810 exente exente esse fertur, Neroni, qui in priore nummo ejusdem anni COS. II dicitur (cf. Eckhel. l. l. 1), dignitas consulis non tribuitur.

5) Bibl. Lat. T. I. p. 377 et T. II p. 149, sed nomen nominat. Hager numm. Erhard. ad Petron. 181 attulit, ubi *sedon* ex vs. 79, tanquam Virgiliano laudatur.

6) Sed falso, ut ait Sichard. in Praef. Ovid. Amator.

7) Praefat. l. l.

8) In praef. edit. Panegyri. p. 1, qui Sichardi quidem editionem non noverat, sed sententiam Wernsdorffii (l. l. p. 47) de Ovidii editione Micylliana recte refellit.

9) Sichard. praef. l. l.

10) Cf. J. A. Fabric. B. L. T. I p. 463.

11) Cf. Fabric. l. l. p. 467. sq.

iisque carmen ad Pisonem nullo auctoris nomine adscripto continebat auctore Martyni-Laguna ¹⁾. Hinc factum est, ut Ovidii editores, qui exemplum Siehardi sequebantur, v. c. Jac. Micyllus, alii carmen nostrum Ovidianis addiderint, alii pro Ovidiano habuerint ²⁾. Attamen quae de temporum ratione antea sunt dicta ³⁾ valent et in Ovidium suppositum panegyrici auctorem. Itaque ex quo Hadrian. Junius ⁴⁾ (a. 1556) alium ejus carminis auctorem sibi invenisse visus est, vv. dd. e. g. Thom. Dempster ⁵⁾, Just. Lipsius ⁶⁾, Casp. Barthius ⁷⁾, alii panegyricum ab Ovidio compositum esse recte negarunt.

Hadrianus Junius enim ope Antonii Morillonis cujusdam ⁸⁾ ex bibliotheca, quae ad ecclesiam Atrebatensem Deiparae virginis pertinebat, codicem sive apographum ejus acceperat, in quo panegyricum cum hac inscriptione legebatur: *Lucani poema ad Calpurnium Pisonem ex libro Catalecton*, idque poema Basileae 1556 in Animadversorum Lib. VI cap. 1 typis exscriptum emisit. Jam viri doctissimi nihil impensius enixiusque facere, quam novum inventum accipere, probare, divulgare, non modo qui Lucanum ediderunt Theod. Pulmannus et Greg. Bersmannus, tum Jos. Scaliger in Virgili Appendice atque Pithoeus in Epigrammatis et Poematiis, sed etiam alii viri eruditi, Ger. Jo. Vossius ⁹⁾, Nic. Heinsius ¹⁰⁾, Pet. Burmannus ¹¹⁾, Rich. Bentley ¹²⁾, ceteri. Omnes vero in eo acquieverunt, quod Lucanus familiaritatem cum C. Pisone contraxisset ejusque socius in conjuratione fuisset ¹³⁾, et quod carmen panegyricum in codice Atrebatensi ¹⁴⁾ sive in scheda Scaligeriana ¹⁵⁾ auctoris nomen Lucanum inscriptum habuisse ferebatur. Speciosius fortasse id pro Lucano auctore proferri poterat, quod panegyrista vs. 26 sibi nondum *vicesimam aetatem venisse* dicit, quod in Lucanum optime quadrat, si statuitur, ut supra demonstravimus, C. Calpurnium Pisonem anno 810 consulem suffectum fuisse et Lucanum anno post illius consulatum, quo ipse annos XIX cum bimestri natus erat ¹⁶⁾, carmen panegyricum scripsisse. Sed argumenta illa, ut nihil de stilo dicamus, nimis levia et dubia sunt.

1) Apud Wernsd. P. L. M. T. IV p. 860.

2) Sigon. de judic. III, 27.

3) Lips. ad Tacit. XIV, 14. *Ab Ovidio aetas abjudicat.*

4) Animad. VI, 1, ubi et *carminis maiestatem Nasonianae simplicitati longe dissimilem esse perverse judicat.*

5) Ad Rosin. Antiqu. I, 13 p. 58.

6) Ad Tacit. XIV, 14.

7) Advers. XLIX, 7 p. 2293 *nec in stilo scripti, nec in persona scribentis quippiam esse, quod ferre possit Ovidium* dicens.

8) Cf. de eo, qui Antonio Perenoto cardinali Granvellano bibliothecarius et a latinis epistolis erat, Eccard. hist. stud. etym. ling. German. p. 75.

9) De hist. lat. I, 26.

10) Ad Ovid. A. A. I, 234.

11) Ad Petron. 94 p. 451 Ed. I.

12) Ad Horat. Od. IV, 6, 25.

13) Quod G. J. Vossius de hist. Lat. l. I. contra Barth. l. I. p. 2292 monet; cf. Scaliger in not. 15.

14) Jun. Animadv. l. I.

15) Scalig. Append. Virgil. p. 545 (Ed. I vel T. II p. 279 Ed. III). *Hanc Lucani esse fidem fecerit et scheda calamo exarata, in qua ita scriptum inveni: Lucani catalecton de laude Pisonis; tum et Piso iste, ad quem scribitur.* Eadem fere monet H. G. Reichard. in Syll. Opusc. p. 44 sq., qui multos panegyrici antiquos codices nomen Lucani prae se ferre male dixit. Utrumque codicem eundem fuisse infra docere studebimus.

16) Cf. Vitae collect. Lucani II p. 10.

Recte igitur fecerunt, qui re accuratius et diligentius considerata Junii opinionem refutarent atque Lucanum auctorem panegyrici Pisoniani esse negarent. Primus contra Hadr. Junium exstitit adversarius Thomas Dampster ¹⁾, deinde gravissime Junium impugnavit Just. Lipsius ²⁾, cuius sententiam alii ad nostram usque aetatem probarunt, Hug. Grotius ³⁾, Casp. Barth ⁴⁾, Gisb. Cuperus ⁵⁾, Nic. Antonius ⁶⁾, J. A. Fabricius ⁷⁾, Gottl. Corte ⁸⁾, Fr. Oudendorp ⁹⁾, Henr. God. Reichard ¹⁰⁾, J. Al. Martyni-Laguna ¹¹⁾, Jo. Chr. Wernsdorf ¹²⁾, Jul. Held ¹³⁾, alii.

Ut taceamus de fide dubia codicis Atrebatensis, qui solus panegyricum nomine Lucani inscriptum habuit nunc deperditus, facile fieri poterat, ut carmen anonymum, in quo Piso Calpurnius laudibus celebratur, quem cum Lucano necessitudinem habuisse ex historia rerum erat pervulgatum, poetae Cordubensi adscriberetur; constat enim et aliorum libris falsa auctorum nomina interdum praefigi ¹⁴⁾. Itaque carminis iudici in codice Atrebatensi parum nihilve esttribuendum, praesertim quum v. *catalecton* dubiae sit significationis ¹⁵⁾ et *catalecta* neque a Papin. Statio (Silv. II, 7) neque a Vacca vitae Lucanae scriptore in poematis Lucani commemorentur, nisi velis *catalecta* pro Silvis habere et cum Casp. Barthio ¹⁶⁾ arbitrari panegyricum inter Silvas X. Lucani latuisse, vel *catalecton* corruptum esse pro eo, quod apud Vaccam legitur *catachthonion*, cui tamen sententiae alia adversantur.

Docent enim compluria panegyricum poema non esse Lucani, primum externae conditiones vitae ¹⁷⁾ inter utrumque poetam, et Lucanum et Panegyristam, quales in panegyrico apparent, comparatae. Etenim ¹⁸⁾ Lucanus erat nobili Annaeorum genere oriundus

1) Ad Rosin. I, 13 p. 58.

2) Ad Tacit. Ann. XIV, 14.

3) Is certe poemation ad Pisonem non recepit in editionem suam Lucani Lugd. Bat. 1626 apud J. Maire in 8 evulgatam, quod fecit sed Grotio invito J. Jansson bibliopola Amstelod. eodem anno et saepius postea in 12.

4) Advers. (1624) XLIX, p. 2292 sq. *Panegyricus ad Pisonem Lucano nulla omnino ratione adscriptus.* — Just. Lipsius contra ipse sit argumentis, quae nunquam equidem quisquam confutabit. Idem tamen Barthius fluctuans sententiam suam de auctore panegyrici saepius commutavit et carmen *mox* (1650) ad Calpurnium quendam (cf. eum ad Claudian. Stilic. I, 28), *mox* (1664) ad Papin. Statium (cf. eum ad Stat. T. I p. 254 et p. 456) refert, denique ex Lucani Silvarum libris fortasse ductum esse opinatur (cf. eum ad Stat. Theb. VI, 322 Tom. III p. 469), quamquam eam opinionem ibidem T. I p. 254 impugnaverit.

5) Obs. III, 1 p. 264 sq.

6) Bibl. Hisp. Vet. I, 10. T. I p. 61 sq. (Ed. II), qui disputans in utramque partem sibi de Lucano carminis auctore persuaderi non posse profitetur.

7) Bibl. Lat. I, 12 p. 378 Ern., ubi de auctore dubitandum adhuc duxit.

8) In editione sua panegyrici.

9) Ad Lucan. Praef. * * * * *

10) In Syllog. Opusc. vet. p. 44 sq.

11) In not. ad Lucan. V, 327 et in Wernsdorf. P. L. M. T. IV p. 860.

12) P. L. M. T. IV p. 41 sqq.

13) Edit. paneg. praef. p. 1.

14) Barth. Advers. XLIX, 7 p. 2293. *Manuscripta exemplaria desipere etiam in talibus mirifica solent.*

15) Wernsd. l. l. p. 42.

16) Ad Stat. Silv. II, 7, 54. T. I p. 254.

17) Lipsius ad Tacit. A. XIV, 14, cui accedit Barth. Advers. p. 2293.

18) Lips. l. l. et Fabric. B. L. I, 12 p. 378 et Nic. Anton. I, 10. Tom. I p. 62.

et claris parentibus genitus, Anonymus contra *humili domo*¹⁾ ortus et obscuro loco natus; ille²⁾ ex gente opibus praedita ipse opulentus³⁾ et iam ante Pollae nuptias patrum L. Ann. Senecam praedivitem habens, hic *tenuis fortunae caligine celatus*⁴⁾, pauper, qui per totum carmen se inopem esse et a Pisone beneficia petere non dissimulat; ille etsi nondum⁵⁾ honoribus quaesturae et sacerdotii ornatus, tamen ingenio praecoce, poematis et declamationibus notus et clarus⁶⁾, hic ignotus et incognitus *latebat*⁷⁾ in *umbra* atque *tenebris*. Haud minus differunt utriusque ingenia et mores. Lucanus, ut ait Quintilianus⁸⁾, *ardens et concitatus*, acer et vehemens, insolens et arrogans, Panegyrista vero lenis et tranquillius, placidus et moderatus, demissus et *humilius blandiens Pisoni quam ut decuerit Lucanum*⁹⁾. Tum quod non poterat non ex dissimilitudine ingenii morumque proficisci, diversum utriusque poetae est et dicendi genus¹⁰⁾, tumidum et affectatum in Pharsalia, *languidum et repens* iudice Oudendorpio¹¹⁾ sive simplex et tenue in panegyrico; nec sane multa magni spiritus sublimisque ingenii vestigia in hoc carmine apparent¹²⁾. Deinde Lucanus aliam in componendis versibus sequitur rationem atque Panegyrista; ille enim ecthlipsi saepe (duodecies in Phars. I, 1—261) et elisione saepissime (tredecies sexies¹³⁾ in eodem loco) utitur, dum in panegyrico Pisoniano elisionis exempla nonnisi duo vel quattuor inveniuntur (14. 24. 81. 168), ecthlipsis vero ne una quidem. Denique non est negligendum, quod neque Statius in Silv. II, 7, neque Vacca in vita Lucani, qui omnia Lucani scripta recensent, hujus carminis ullam faciunt mentionem¹⁴⁾.

Quae praeterea prolata sunt argumenta ad demonstrandum Lucanum panegyrici nostri auctorem non esse vel parvi vel nullius sunt ponderis. Etenim neque ex argumento, quod in carmine tractatur, neque ex iuvenili poetae aetate, qui XIX annos natus panegyricum scripsisse vs. 260 sq.¹⁵⁾ fertur, Lucanum hoc poemation non composuisse sequitur; et errat Lipsius¹⁶⁾

1) Vs. 224. *Si famae mihi pandis iter, si detrahis umbram* et vs. 253 sq. *Tu, Piso, latentem exsere. Nos humilis — celat*, ubi Held et Beck *Non pro Nos* scribentes orationem turbant. Adde et vs. 119 *humilem clientem*.

2) Lips. l. l., cui assentitur Dempst. ad Rosin. l. l.; cf. et Nic. Anton. et Fabric. — II — II, Cuper. Obs. III, 1 p. 642 et Wernsd. l. l.

3) Juvenal. VII, 79.

4) Vs. 255; cf. et vs. 118. *Rara domus tenuem non aspernatur amicum*.

5) Quod enim Wernsd. l. l. praecunte Cuperio l. l. monet Lucanum magnis honoribus iam functum fuisse, ut se Pisoni adeo submittere minime potuerit, hoc non probabile est ratione temporis habita; cf. Vit. Lucan. coll. II p. 10 sqq.

6) Lips. l. l.

7) Cf. vs. 224 et vs. 253 et vs. 256.

8) I. O. X, 1, 90.

9) Lips. l. l. Cf. vs. 243 sqq.

10) Barth. p. 2293 et ad Stat. T. I p. 254, quod cum facit Reichard. p. 45.

11) Ad Lucan. l. l.

12) Wernsd. l. l. p. 42.

13) Quater et vices in particula *que*.

14) Lips. l. l., quod monent et Barth. ad Stat. T. I p. 245, Wernsd. l. l. et Reichard. p. 44.

15) *Quamvis nunc iuvenile decus mihi pingere malas coeperit et nondum vicesima venerit aetas*.

16) Ad Tacit. l. l. Neque pro certo stat, quod Lipsius ibidem addidit, panegyricum diu post 810 a. u. c. factum esse, quoniam in eo vs. 91 sq. ad Pisonis specimen eloquentiae respiceretur, quod quinquennali certamine Neapoli 818 exhibitum esset, cum Nero (Tacit. Ann. XV, 33) ibi copiam suae vocis fecisset. Apud Tacitum nihil de quinquennali certamine eius anni Neapoli habito, neque de Pisone Neronis in itinere comite legitur. Accedit quod paullo post reditum Neronis ex Neapoli conjuratio Pisonis detecta est.

negans illud tempus in aetatem Lucani convenire ¹⁾, quum supra id optime quadrare demonstratum sit, dummodo reliqua inter se consentirent.

Post Hadr. Junium, cujus sententiam de Lucano panegyrici auctore complures infirmaverant, nemo exstitit, qui poetae anonymo nomen reddere studeret, nisi Wernsdorfius, qui in Poetis Latinis minoribus ²⁾ ea de re uberius disserens panegyricum nostrum *Saleio Basso* poetae epico attribuit ³⁾. Quod fieri posse sibi persuasit v. d. propter aetatem Saleii, qui adolescens sub Claudio vel Nerone et senex sub Vespasiano ⁴⁾ vixerit, et propter eiusdem poeticam facultatem ⁵⁾ atque opum angustiam ⁶⁾, illa aetate notam et celebratam. Sed Wernsdorfius verba Quintiliani ⁷⁾: *vehemens et poeticum ingenium Saleii Bassi fuit nec ipsum senectute maturum* ⁸⁾, de sene Saleio male intellexerat, quum immaturam eius mortem significant ⁹⁾, ita ut vir potius quam senex Vespasiano imperante floruisse ¹⁰⁾ putandus sit. Deinde sola opum angustia nos adducere non potest, ut pauperi poetae panegyricum vindicemus; denique poemation eiusmodi est, ut laudes poetae absolutissimi, egregii vel praestantissimi inde profectae, inprimis vero *vehemens ingenium* auctori eius impertiri non possint ¹¹⁾. Itaque non effecit Wernsdorfius, ut fides de Saleio Basso auctore panegyrici ei tribueretur a Cramero ¹²⁾, Jul. Heldio, C. Beckio, Weicherto ¹³⁾, Ungero ¹⁴⁾, aliis, neque nobis persuasit.

Quam de origine panegyrici opinionem olim Barthius ¹⁵⁾ habuerat, neque repraesentat Oudendorpius ¹⁶⁾, eam editor carminis ad Pisonem C. Beckius ¹⁷⁾ recoxit, *P. Papinium Statium* auctorem panegyrici esse ratus. Quam rem his comprobare studet argumentis, primum ¹⁸⁾ contendens ea, quae Anonymus vs. 254 sq. de origine sua *non humili*, sed potius nobili, et de *fortuna sua tenui* sive de paupertate sua dixerit, egregie concinere cum verbis Statii in Silvis ¹⁹⁾. Sed ut convenient verba, opus est

1) Wernsdorf. quoque l. l. huic rei non multum esse tribuendum censet.

2) T. IV p. 43—46; adde Weichert de L. Varii vita p. 144 sq.

3) Assentientes in hac re habet Mitscherl. ad Horat. Od. II, 1, 11, Langium in Vindic. Trag. Rom. p. 5 et Guil. Ern. Weberum in Poet. Latin. Corp.

4) Tacit. Dial. 9. *Laudavimus nuper ut miram et eximiam Vespasiani libertatem, quod quingenta sestertia Basso donasset.*

5) Tacit. l. l. 5. *Saleium Bassum quum optimum virum tum absolutissimum poetam et 9. Saleium nostrum egregium poetam vel — praestantissimum valem.*

6) Tacit. l. l. c. 9, in quo is plerumque egere, et Juvenal. VII, 80, ubi *tenuis Saleius* dicitur, quocum cf. panegy. vs. 255 *tenuis fortuna*.

7) I. O. X, 1, 90.

8) Vel *maturum*, quod carissimus collega Caesar voluit, cf. Philol. 1858 p. 759, et iam editiones Colinaei et Vidoraei habent.

9) Ut recte explanavit Weichert l. l. p. 144, dum Beck p. 6 falsa colligit et Unger p. 262 aliter explicat.

10) Quare et a Tacito saepius laudatur et vir (cf. not. 5) nominatur.

11) Beck p. 6, cui accedit Unger l. l.

12) Ad Schol. Juven. p. 175.

13) De L. Varii vita p. 64.

14) l. l. p. 266.

15) Ad Stat. Silv. V, 2, 115. T. I p. 456. *Carmen ad Pisonem Papinio adscribendum, quod nobis aliquando adolescenti videbatur, cui rei minime contradicunt tempora.*

16) Ad Lucan. Praef. * * * * 1. *Hoc carmen alium quovis quam Lucanum habet auctorem, fortasse Statium.*

17) Praef. p. XIII et p. 10 sqq.

18) p. 11—13.

19) V, 3, 116 sqq. de patre Statii: *Non tibi deformes obscuri sanguinis ortus, nec sine luce genus, quamquam fortuna parentum archior expensis.*

coniectura non *humilis* pro *nos humilis*, quam Beckius, cetera quoque ¹⁾ perversae interpretatus, contra nexum verborum, ut supra diximus, et adversantibus aliis panegyrici locis (vs. 224 et 253) male excogitavit ²⁾, nihil certe conjectura sua probavit. Deinde observat Beckius ³⁾, quod a Statio ex more poetarum saepius factum esse intelligatur, ut laudaverit Neapolim patriam, et Euboicam urbis eiusdem originem celebraverit, et ludos ibi institutos, quinquennalia certamina, commemoraverit ⁴⁾, id ab Anonymo quoque vs. 89—92 fieri. Sed ex eo, quod Neapolis in panegyrico semel laudatur, ut recte monet Ungerus ⁵⁾, de patria poetae nihil certi colligi potest, praesertim quum Neapolim ludosque quinquennales non fortuito et praeter rem, sed necessitate quadam urgente propter laudes, quas Piso ibi in facultate graeci sermonis reportaverit, celebrandas aptissime a poeta commemorata esse appareat. Tum Beckius ⁶⁾ demonstrare studet Statium ratione aetatis habita auctorem panegyrici sub Vespasiano (822—832) scripti dici posse, quum Statius non anno 812, ut vulgo cum Dodwello opinentur, sed 803 ⁷⁾ circiter natus sit. Et recte fecit Beckius, quod in computanda Statii aetate Dodwelli somniis ⁸⁾ non obsecutus est; sed ipse in hac re constituenda non omnia animadvertit, alia non satis accurate perpendit. Nam ut praetermittamus, quod Piso, si Statius anno 822 sive sub imperio Vespasiani adolescens undeviginti annorum panegyricum scripsisse dicitur, consul non sub Vespasiano ⁹⁾, sed ante eius imperium fuerit necesse est, Beckius neglexit quod Statius se diem natalem M. Ann. Lucani consecrasse atque tunc genethliacon (Silv. II, 7) Lucani composuisse testatur ¹⁰⁾. Quod quum anno 818 factum esse constet ¹¹⁾, Statius puer XV. annorum cum Martiali aliisque poetis certans illum diem concelebrasset, quod non est verisimile. Immo si res ad aetatem Statii constituendam spectantes accuratius consideramus, Silvas eius omnes quidem intra annum 840—844 evulgatas, sed aliam alio tempore prius esse scriptam, in iisque obitum patris, qui *trinis* ¹²⁾ *decem quinquennia lustra juncta* sive annos LXV *ferens* mortuus est, libro II, 1, 34 sq. et III, 3, 39 sq. significari atque epicedio, in quo filius diu elaboravit, libri V Silva 3 a poeta laudibus celebrari; si reputamus in Silva tertia libri tertii ¹³⁾ Domitiani victoriam de Catts et Dacis reportatam indicari, qui vulgo

1) *Novam lucem* (257) opponit *priscas* Statii domo sive genti.

2) Miramur et Jul. Hældium in eandem incidisse conjecturam.

3) p. 13—15.

4) Silv. III, 5, 12 sq. 78 sqq. V, 3, 109 sqq.

5) l. l. p. 265.

6) p. 15 sqq.

7) p. 21.

8) Bernhardt R. L. p. 464.

9) Beck p. 21, qui sibi et in eo adversatur, quod

Pisonem natu majorem apud Plinium Ep. V, 17, 2 anno 864 consulem fuisse dicit; cf. supra p. 3 (not. 4.)

10) Silv. II, 7 Praef.

11) Cf. Vitas Lucan. collect. P. II p. 17 sq.

12) Stat. Silv. V, 3, 253.

13) Vs. 168 sqq. *Haec est quae victis parentia foedera Catts, quaeque suum Dacis donat clementia montem; quae modo Marcomanos post horrida bella vagosque Sarmatas Latiae non est dignata triumphos; quibuscum* cf. Sueton. Domitian. 6.

fertur anno 836 triumphasse, et Domitianum in eadem Silva vs. 165 nominari *Germanicum*, quod cognomen praebent nummi anno 837 excusi 1); si denique reputamus in epicedio *incendia Vesuvina* commemorari, *quae* facta anno 832 sub autumnus tempus, ut constat 2), *flere pio cantu* poetae mens erat, antequam *gemitum patriis impenderet damnis*, haud procul a vero aberrare nobis videmur, si patrem Statii, anno 832 defunctum, vel 768 natum esse censemus. Inde sequitur, quod conjectura utique assequi possumus, ut Statius, intra annos 792 et 796 natus, anno 818 adolescens XXII vel XXVI annorum memoriam Lucani die natali concelebrarit et Vespasiano imperium capessente ad annum aetatis vicesimum sextum vel tricesimum pervenerit. Itaque Beckii computatio annorum neque in aliis rebus probatur, neque quidquam ad constituendum panegyrici auctorem valet.

Quae Beckius denique ultimo loco attulit 3), ut plurimas dictionis similitudines in carminibus Statii atque in panegyrico Pisoniano, ut opinatur, conspicuas demonstraret, quum laudat miram versuum facilitatem, eximiam dicendi copiam atque rerum singularum descriptionem, similem compositionis rationem, eandem prope in peculiaribus verborum formulis dictionem, alia, ea vel nemo praeter Beckium re vera observavit 4), vel eiusmodi sunt, ut in aliis quoque poetis latinis appareant, quippe quae natura legesque poesis Latinae postulent 5). Quapropter viri docti hanc de Statii opinionem, iam a Wernsdorfio 6) notatam, merito damnarunt, Carol. Lehrs 7), propter compositionem versuum, quam Beckius non attigit, panegyricum Statii esse negans, quum Anonymus rarius quam Papinius caesura post primum dactylum, dum maior pausa sequatur, atque rarius elisione utatur, et Maur. Haupt 8), qui Lehrsii rationes comprobat, alii.

Superest ut de *Calpurnio* poeta bucolico dicatur, cui panegyricum Pisonianum nostra aetate adscriptum est. Iam Casp. Barthius 9) in carmine nostro, quod vs. 25—38 pacem Romanarum rerum indicet, *Calpurnium aliquem referri* potius quam *Lucanum* invenerat et propterea *Pisonem* consulem, a panegyrista laudibus celebratum, ad annum XIII Traiani, quo L. Calpurn. Piso quidam consul fuit, olim collocaverat. Post Barthium, cuius sententiam, sed male intellectam, Wernsdorfius absonam esse dixerat 10), idem 11) tamen

1) Eckhel Doctr. Num. VI p. 378.

2) Dio Cass. LXVI, 21.

3) p. 22 sq. et Praef. p. XVI. Commentarius eius in colligendis potissimum similitudinibus versatur, quas apud utrumque poetam invenisse sibi visus est; sed frustra.

4) Unger I. I. p. 266.

5) Unger I. I. p. 273 sq., qui singula recenset, quae Statii et Anonymo peculiariter esse falso dicuntur.

6) p. 39. Statii — Barthius aliquando panegyricum adscribere coluit, levi admodum verisimilitudine.

7) Quaest. Epic. p. 305. Ita Statius admodum raro caesura trochaica in pede quarto utitur, semel in quadragenis trinis versibus.

8) De carm. bucol. p. 26.

9) Ad Claudian. Stilic. I, 28.

10) T. IV p. 39 sq. Barthius enim non auctorem facit *Calpurnium* quendam nostri panegyrici, sed genus carminis *Calpurnium aliquem* referre h. e. simile *Calpurniano* esse dixit.

11) T. IV p. 44 not. h.

animadvertit totum habitum eclogae quartae Calpurnii pluresque eius sententias ad similitudines carminis ad Calpurn. Pisonem scripti multum accedere, ut verisimile fiat, Calpurnium ad hoc carmen, quod ad gentilem vel cognominem virum scriptum esset, praecipue attendisse idque studiose legisse. Similitudinem quandam inter eclogam quartam Calpurnii et carmen nostrum intercedere Beckius ¹⁾ quoque concedit, sed poetam bucolicum rationem panegyrici carminis propter nominis adfinitatem habuisse negat. Proximo autem tempore Maur. Hauptius, et bucolicorum et panegyrici Pisoniani auctorem eundem esse ratus, coniecturam suam, Lachmanno quoque probatam ²⁾, argumentis his confirmare studuit ³⁾, quod versuum artificium mirabiliter inter bucolica et panegyricum Pisonis conspiret ⁴⁾, et quod orationis quaedam convenientia in dissimilibus carminum generibus appareat, et quod eclogae atque laudatio Pisonis eandem poetae bucolici et Panegyristae conditionem iuventutis et paupertatis ostendant. Idem, quum mirum sit eodem nomine poetam bucolicum atque Pisonem laudibus celebratum nuncupari, persuasum habet fieri potuisse, ut poeta a Calpurnio Pisone non solum liberaliter sublevaretur sed etiam adoptaretur; factum quoque putat, ut carmina bucolica uno volumine collecta et adoptivo Calpurnii nomine inscripta ederentur. Negari non potest ingeniosam esse hanc coniecturam, sed ei neque Bernhardt ⁵⁾ adstipulatur, neque nos calculum adjicere possumus.

Etenim singularem hexametri structuram quod attinet, comparat quidem Hauptius versus Panegyristae post quartum trochaicum incisos, quorum observavimus XIV, cum Calpurnianis LXVIII, sed numeri ratio non est eadem, quum Panegyrista singulos trochaicos in duodevicens habeat versibus, Calpurnius vero in undenis. Eodem iure et fortasse meliore versus trochaici, qui sunt in carmine Pisoniano, cum Silianis conferri possunt, quorum viceni singuli unum trochaicum continent. Haud magis Hauptio assentiri possumus in eo, quod Panegyristam atque Calpurnium propter rarum elisionis usum, qui apud utrumque appareat, eundem esse auctorem censet. Nam in panegyrico IV, in eclogis Calpurnii XXVI sunt elisiones, ita ut singulae in illo sexagenis quinque, in hoc undetrices versibus insertae sint. Quae convenientia, si talem nominare placet, potius ad Claudianum pertineret, cuius in panegyrico in IV Consul. Honorii eadem est elisionum ratio ⁶⁾. Accedit quod Calpurnius ecthlipses tres habet, Panegyrista noster nullam. Tum

1) p. 23.

2) Ad Lucret. in fine p. 326, cui accessit Lehmann in Claudio T. I p. 21.

3) De carmine bucol. p. 26.

4) Demonstrare id vult usu longae o nonnisi semel in v. nescio (252) et in v. Piso (65. 75. 117. 241) correptae (sed cf. Virgil. A. II, 735 et Juvenal. V,

109), tum XI (immo XIV, adde 84. 101. 130) versibus post quartum trochaicum incisus (34. 62. 83. 92. 94 etc.) et raro elisionis usu (24. 81), ad quem Lehrsius primus l. supra l. animum attenderat.

5) Grundr. d. R. L. p. 458.

6) Ab initio 1—261 nonnisi novem apparent elisiones.

et in aliis rebus metricis singularem illam convenientiam utriusque poetae desideravi; caesuras in fine tertii pedis adhibuit Anonymus septies ¹⁾, Calpurnius octies ²⁾, ita ut ille hunc duabus fere partibus ex tribus superet; caesuras bucolicas Panegyrista habet XIII, Calpurnius LIII, ita ut singulae apud illum in vicenis versibus, apud hunc in quaternis denis redeant; denique Calpurnius caesuras dactylicas in fine quinti pedis quinquies admisit, Panegyrista nullo versu. Nihil igitur de Calpurnio panegyrici Pisoniani auctore ex his colligi potest. Orationis autem in panegyrico Pisonis et in eclogis Calpurnianis convenientia minor apparet (certe in ecloga quarta, praeter ceteras digna propter laudes Caesaris, quae cum laudatione Pisonis comparetur ³⁾, nedum in ceteris eclogis), quam ut carmen panegyricum et bucolicum quartum ab eodem poeta profecta esse tibi persuadere possis. Ipse Wernsdorfius monet totam illam Calpurnii eclogam verbositate laborare immodica, quae in panegyrico Pisonis non deprehenditur. Et quae Hauptius praeterea ad sententiam suam stabiliendam profert de aequali vitae conditione et de nominis adoptione, ita comparata sunt, ut ipse Hauptius iis non multum tribuerit. Idem ⁴⁾ enim profitetur, quae de Calpurnio laudatore dixerit, incerta admodum esse et se incertum sane coniecturam de auctore panegyrici Pisoniani fecisse.

Quae quum ita sint, reliquum est ut in sententiam discedamus eorum, qui nomen Panegyristae Pisoniani sibi incognitum esse ingenue fatentur ⁵⁾, sed poetam, qui humili ⁶⁾ loco necdum viginti annos natus tenuique re familiari oppressus ad preces descendisset, sub imperio Neronis vixisse suspicantur. Haec est sententia J. Lipsii ⁷⁾ et aliorum post eum inprimis J. Heldii et R. Ungerii ⁸⁾. Solus C. G. Heyne ⁹⁾ auctorem panegyricorum ad Messalam et ad Calpurn. Pisonem sibi persuasit eundem esse atque priore tempore floruisse, sed nemo non sentiet panegyricum nostrum oratione sua simplici et nativa ab altero sterili, quaesito, coloribus rhetoricis fucato multum differre, et linguam utriusque admodum esse diversam, et versuum compositionem in utroque discrepare ¹⁰⁾. Eadem de causa nec Beckii sententia stare potest, qui ¹¹⁾ *auctorem* panegyrici ad Messalam *carmen nostrum ob oculos habuisse* censet. Etenim neque noster in panegyrico suo poetam ullum ¹²⁾ imitando

1) Vs. 5. 97. 99. 120. 144. 186. 254.

2) Cf. ecl. I, 13 (?); II, 44. 66; III, 33; V, 105. 109. 120; VI, 53. In ecl. IV et VII nullum inveni exemplum.

3) Quod fecit Wernsdorf. T. IV p. 44 not.

4) l. l. p. 27 et p. 37.

5) Incertum poetam nominat eum Rohnken. ad Vellei. I, 4, non ineptum Havercamp. ad Tertullian. Apol. 2 p. 21.

6) Vs. 254 sq. et 261.

7) Ad Tacit. XIV, 14.

8) In Jahrb. Jahrb. XVII p. 266.

9) Ad Tibull. IV, 1. T. 1 p. 320. Si quis utrumque

— perlegat ac comparet, — auctor sum adeo simile istius et sententiis et orationis colore deprehendet, ut ab eodem auctore utrumque profectum esse sibi facile persuadeat. Similes sunt sententiae utpote in eodem carminis genere.

10) In panegyrico ad Messalam deprehenduntur VI tantum versus post trochaeum quartum incisi, unus in tricenis quinis, elisiones autem apparent XL, una in quinis hexametris; aliter in panegyrico ad Pisonem, cf. supra p. 14 not. 4.

11) p. 23.

12) Wernsdorfio videtur noster Tibullum cum in pluribus locis, tum versu 32 expressisse et superasse.

expressisse videtur, neque alius poeta nostrum nisi in iis, quae poesis latina in universum habet communia, id quod recte observavit Unger 1). Idem 2) tamen Ungerus fieri potuisse statuit, ut et posterioris aetatis poeta ingenii exercendi causa hoc carmen panxerit, eamque ob rem animum in vocabula posterioris latinitatis, qualia sunt *aedonia* 79, *tetricitate* 103, *focilat* 3) 126, *sudabunda* 189, et in dicendi formulas, quales sunt *succiso poplite* 76, *pacata laude* 27, *classicus horror* 141 advertit. Et profecto si quis id agat, ut panegyricum nostrum non antiquitus, sed recens scriptum demonstret, me sibi accedentem habet et compluria ad sententiam suam confirmandam invenerit, primum quod auctor panegyrici anonymus est vel vario nomine vocatur, deinde quod carmen in Varsaviensi certe MS. additum est Ovidii catalectis, quae quum et ipsa subdita atque recens composita esse videantur, facile fieri poterat, ut panegyricum quoque Pisonis ab interpolatore 4) proficisceretur; tum mira est verborum convenientia de eadem re apud Tacitum et nostrum! Panegyristam, ita ut hic Tacitum ob oculos habuisse videatur, ex scholiis autem Iuvenalis alia de Pisonis ludo latrunculorum hauserit; deinde idem ludus accuratius et diligentius, quam pro illo tempore expectandum erat, describitur; praeterea dubitationem de antiquitate panegyrici movet, quod auctor consulatum C. Pisonis laudans praenomina *Caium* et *Lucium* apud Tacitum commutasse videtur; tum laudatio Pisonis neque ab ullo grammatico commemoratur, neque versus eiusdem laudationis ab ullo poeta, ne a Claudiano quidem, imitatione est expressus; deinde argumentum et habitus colorque orationis emendatus atque ipsi versus ad legem artis compositi eiusmodi sunt in panegyrico, ut carmen pro declamatione et pro exercitamento ingenii facile haberi possit; denique MSS. dubitationem de antiquitate panegyrici excitare possunt, quum neque supersit nobis MS., quo panegyricus continetur, neque pro certo stet carmen in codice vetustissimo vel certe membranaceo unquam exaratum fuisse.

Sed quicquid de aetate carminis Pisoniani statuendum est, iam transeamus ad *Codices* panegyrici recensendos, quorum vulgo quattuor laudantur. Primus est *anonymus*, quo Io. Sichardus 5) in editione sua panegyrici est usus. Ex praefatiuncula Sichardi Tom. I Ovidii operum anno 1527 praemissa 6) cognoscitur codicem illum, qui non dicitur membranaceus,

1) p. 274 recte negans a Claudiano (IV Cons. Hon. 580. 9. Mall. Theod. 21 et in Rufin. II Lib. Praef. 15) locos panegyrici nostri 9. 27. 40. 157 expressos esse.

2) l. l. p. 276; cf. et p. 266.

3) Cf. Iamen Senec. Ep. 13 in fine, ubi est *fo-cillare*.

4) Non ab eodem, qui Ovidiana composuit, ut ver-sum ratio docet.

5) Bischofshemensis ad Tuberam, Ictus et philologus primum Basileensis, tum Friburgensis, postremo Tubingensis, natus 1499, denatus 1552.

6) Ibi haec leguntur: *Ne vero sine corollario aliquo ad te veniret [Ovidius meus], adjecimus vulgatis omnium aeditionibus ex vetustissimis codicibus, quibus sumus ex bibliotheca Laurissana usi, fragmenta quaedam Ovidii ex libris opinor Epigrammaton, sic enim a Prisciano citantur, atque elegantissimam carmen incerti*

vetustum fuisse! atque carmen nostrum falso Maroni adscriptum habuisse. Codex erat duobus locis (vs. 52 et 120) mutilus, praeterea interpolatus, corruptus ¹⁾, sed vel sic magni pretii et variis lectionibus auctus (cf. vs. 43. 128. 137. 215. 251), nisi forte sunt Sichardi coniecturae; idem a vetustissimis Ovidii codicibus Laurissanis distinguitur. Num vero is in monasterio Laurissano fuerit, dubitari potest, quum Sichardus intra annos 1525 et 1529, quibus Basileae rhetoricam docebat latinosque scriptores explicabat, praestantissimas quidem Germaniae bibliothecas perscrutatus sit ²⁾, sed codicem panegyrici Laurissanum non laudet neque eiusmodi codex in vetustissimo Breviario ³⁾ Codicum monasterii S. Nazarii Laurissae vel in catalogis bibliothecae Palatinae, cui MSS. Laurissani plerique adjuncti sunt, ante tristissimam illam rapinam aut postea indicetur. Itaque tota res de auctoritate codicis habet, cur haesitare possis.

Codex Atrebatensis, ex quo Hadr. Iunius panegyricum edidit, in bibliotheca ecclesiae Deiparae virginis Atrebatensis anno 1545 sub Antonio Perenotto episcopo fuit reperi- tus, cuius haec erat inscriptio: *Lucani Poema ad Calpurnium Pisonem ex libro Catalecton* ⁴⁾. Poema ab Antonio Morillone cum Iunio ⁵⁾ communicatum erat; sed non docemur, num liber fuerit codex, cuius tamen indoles a Iunio non accuratius describitur, an quod verisimilius est apographum. Multo meliores lectiones, quam editio anni 1534 sive codex anonymus, a Iunio ⁶⁾ et a Beckio ⁷⁾ exhibere dicitur atque melius versus XII, qui vulgo post vs. 71 leguntur, post vs. 249 repositos habere; sed scripturae fere omnes apparent peiores et ordo versuum perverse mutatus inde profectus est, quod librarius, qui transscripsit ex archetypo, quod ⁸⁾ in singulis paginis duodenos habebat versus, prima excepta, in qua praeter inscriptionem erant undecim versus ⁹⁾, septimam paginam a dextra in describendo neglexerat et errore intellecto versus illos XII in fine addiderat una cum signo ordinis versuum restituendi, quod librarius posteriori apographi non animadvertit. Atrebatensis quoque codex non iam superesse videtur, certe nullus eiusmodi liber ab Haenelio nostro in catalogo MSS. Atrebatensium commemoratur.

quidem auctoris, sed quod extra controversiam sit vetustissimi alicujus: siquidem ad Pisonem id est scriptum, eum opinor, ad quem et Horatii ars poetica extat; quod quamvis ab Ovidii dictione nonnihil abhorreat, et in vetusto codice falso erat Maroni ascriptum, iudicavimus tamen dignum, ut inter Ovidiana locum sortiretur atque hoc demum pacto ab interitu vindicaretur.

1) Margo codicis archetypi, ex quo Sichardianus descendit, in singulis versibus exeuntibus non integer fuisse videtur; cf. vs. 35. 44. 52. 90. 159. 239.

2) Bouginé Handb. T. II p. 286.

3) In A. Maii Spicileg. Rom. T. V. p. 196 et p. 200 Virgilii liber bis laudatur, nullus Ovidii codex.

4) Ferreol. Locrius in Chronico Belgico (Atrebat. 1616) p. 610, qui sua maximam partem ex Hadr. Junii Animadv. VI, 1 p. 250 sqq. sumsit.

5) l. l.

6) Animadv. V, 1 p. 252. *Multa sunt in eo (poematio) perperam transposita in codicibus (i. e. editionibus) vulgatis, multa hic (in cod. Atrebat.) lectione interpoli correctiora.*

7) Praef. p. XIV.

8) Constitit foliis duodecim formae octavae et viginti duabus paginis inscriptis.

9) Ultima quoque pagina archetypi nonnisi decem habebat versus.

Manuscripti Atrebatensis apographum¹⁾ alterum, ut videtur, non ipsum codicem habuit Jos. Scaligerus et simul usus²⁾ editione Lucani Pulmanniana (Antverpiae 1564), in qua legitur poemation ad Pisonem, Hadriani Iunii beneficio auctori suo redditum, *M. Annaei Lucani ad Calpurnium Pisonem panegyricum* in Appendice Virgilii 1573 ita evulgavit, ut cum Iunio (cujus tamen editionem non laudat) et cum Pulmanno vel in errore sive librarii sive typographi, vs. 170 *securus* pro *securis*, et cum Pulmanno solo in scriptura inepta vs. 216 *tenemus* pro *canemus* atque in indice, nisi quod Scaligerus *panegyricum* pro *poemation* habet, prorsus consentiat. Inde sequitur et Junium et Scaligerum sua ex eodem fonte hausisse³⁾ sive primitivo sive derivato. Disceptari quidem potest, utrum Scaligerus codice Atrebatensi ipso an apographo eius usus sit, quum v. d. librum, quem habebat, mox *schedam calamo exaratam*⁴⁾, mox *manuscriptum* vel *codicem*⁵⁾ dicat et praeter indicem, quem carmini inscripsit, alium afferat, quem se in scheda manuscripta vidisse testatur⁶⁾, *Lucani catalecton de laude Pisonis*; sed quoniam Scaligerus neque Atrebatensem, neque alium codicem panegyrici nominat atque inscriptioni *Lucani catalecton* etc. nihil tribuit⁷⁾, quam in solo codice Atrebatensi fuisse constat⁸⁾, eum apographo potius codicis sive *scheda*, ut ipse dixit, *calamo exarata* usum fuisse verisimile est. MS. Scaligero teste⁹⁾ his incipiebat verbis: *Nihil est quod texas ordine longum. Unde prius coepti surgat mihi carminis ordo?* Quamobrem v. d. arbitratur, atque Beckium¹⁰⁾ sibi assentientem habet, initium nostro poematio deesse; sed recte monet Wernsdorfius¹¹⁾ verba illa, ex Virgilii Ciri¹²⁾ hausta, glossema esse, quod ut interrogationi primi versus responderet, a librario esset superscriptum. Sive id in codice Atrebatensi, sive in apographo eius Scaligeriano additum est, glossema neque in editione Sichardiana neque in Iuniana et Pulmanniana apparet. In eodem codice Scaligerus¹³⁾ et finem poematis Pisoniani invenit, quem diu absentem¹⁴⁾ Antverpensis editio Lucani non omiserat. Idem

1) Cf. infra post 8.

2) Cf. Scalig. in not. ad Eclog. Lucan. p. 280 Append. Virg.

3) Held p. 1 et Beck p. XIV idem suspicantur.

4) Append. p. 279 (p. 545).

5) Ibid. p. 280.

6) Ibid. p. 279 (p. 545).

7) Aliam certe inscriptionem editio Scaligeri exhibet.

8) Wernsdorf. p. 40 hoc affirmari posse male negat.

9) Ibid. p. 280. Videtur autem initium huius poematio deesse.

10) p. 24.

11) p. 45 sq.

12) Vs. 339, quem locum Scaliger. ipse attulit.

13) App. Virg. p. 280.

14) Scalig. l. l. *Quemadmodum diu finis quoque panegyrici absuit, quem ego inveni in illo codice et non omisit Antverpensis editio* i. e. Lucanus Pulmanni Antverp. 1564. Quae verba nollem ita ab Heldio p. 1 intellecta esse, ut incuriam Scaligeri manifestarent, quippe qui versus illos XII suum locum iam tenere in editionibus antiquioribus non advertisset. Etenim Scaliger. et editionem Pulmannianam ob oculos habuit, et nonnisi de novo versuum ordine egit. Ceterum Barthlo quoque in Advers. XLIX, 7 p. 2293 *est poema ἀτέλεστον* et in libros aliquot divisum fuisse videtur vel ex fine, quam opinionem minus feliciter refutare studet Wernsdorf. p. 43, recte damnat Beck p. 23.

finis est, quem Hadr. Iunius, id quod Scaligerum latebat, in Animadversis divulgaverat, et quem Scaligerus probavit non quasi novum, qui omnino defuisset, sed in melius, ut putabat, alio versuum ordine restitutum. Itaque multa concurrunt, quae Ios. Scaligerum apographo codicis Atrebatensis, non alterius, usum fuisse indicent.

Gregorii Bersmanni libri tres qui commemorantur v. c. vs. 87 et 88 non sunt codices panegyrici sed editiones Iuniana, Pulmanniana et Scaligerana.

Codicem *Eburonensem* Casp. Barthius ¹⁾, apud Eburones hospitans, dum panegyricum nihil non moliretur, sibi contigisse dicit, sed nihil de hoc codice constat, nisi quod Barthius l. l. refert versum 183 exaratum fuisse, *et nunc scrutaris vitalia pectora dextra*, qualem ceteri codices non habent.

Codex denique *Varsaviensis*, quem excerpterat Martyni-Laguna, *chartaceus* ²⁾, in bibliotheca quadam Varsaviensi repertus, partem *Catalectorum Ovidii*, quae Goldastus edidit, in iisque carmen ad Pisonem nullo auctoris nomine adscripto continebat. Cui quidem ipse Mart. Laguna parum tribuit, quod recentem admodum et inscite scriptum esse vidit, sed varietatem scripturae notavit a Wernsdorfio nobiscum communicatam ³⁾. Codex sane mendosus et corruptus consentit in ordine versuum cum Atrebatensi, in verbis maximam partem cum Sichardo, sed et suas habet lectiones, plerumque damnandas ⁴⁾, raro probandas, ut vs. 23 *decuere*, quod solus praebet.

Ex quibus patet non recensitionem duplicem codicum panegyrici esse statuendam, cuius vestigia l. Heldius ⁵⁾ invenisse sibi visus est, sed familiam duplicem, cuius indicia variae lectiones, quemadmodum apud alios scriptores, exhibent, neque iustam carminis Pisoniani recensitionem constitui posse nisi ope melioris codicis, quam quibus nunc sunt usi editores.

Iam ad ultimam dissertationis partem ad editiones ⁶⁾ carminis Pisoniani pervenimus. Cum fere omnia, ut vidimus, in hoc carmine dubia atque ambigua sint, et persona, quae laudibus effertur, et auctor laudationis, et MSS., quibus panegyricus continetur, non est mirandum, si et editio princeps eiusdem carminis a novissimis editoribus ⁷⁾, Heldio et Beckio, addubitatur, quorum ille ⁸⁾ editionem Lugdunensem 1540, hic ⁹⁾ Basileensem 1534 nactus est primam.

1) Advers. XXVII, 13 p. 1300.

2) Wernsd. T. IV p. 860.

3) l. l. p. 861 sqq.

4) Cf. vs. 16. 22. 23. 44. 93. 234. 242.

5) p. 2, quod et Wernsdorf. p. 47 observat. Negat duplicem recensitionem Unger p. 277.

6) De editionibus panegyrici disserunt Wernsdorf.

T. IV p. 46 sqq., Schweiger p. 862 et Beck Praef. p. XIII sqq.

7) Wernsdorf. quoque p. 46 non habet compertum, qui primus panegyricum in lucem p. 1 protulerit.

8) p. 1.

9) p. XIII sq., qui recte divinaverat hanc ipsam editionem ex alia antiquiore reptitam esse.

Alii primam esse volunt editionem hoc indice evulgatam: *P. Ovidii N. opera quibus in omnes metamorphoseos fabulas Lactantii argumenta accesserunt.* — — *Atque H. Glareani et Longolii annotationes. Item fragmenta quaedam Ovidii ex libris quae magna ex parte periere epigrammaton. Et non male natum carmen ad Pisonem.* Basil. Henr. Petri 1523. 8. Laudat eam ex Hirschii millenario II p. 26 Panzer ¹⁾ et nescio unde Ebert ²⁾ indice paulum mutato: *et carmen ad Pisonem*, quique hunc secutus est Schweiger ³⁾. Sed quum ea editio solius Hirschii testimonio nitatur, neque a Maittaire neque ab I. A. Fabricio commemoretur, et a me frustra in bibliothecis Germaniae sit investigata, denique in indice habeat non solum vv. *non male natum*, quibus carmen primum editum non facile commendatur, sed etiam nomen *Henrici Petri* bibliopolae, qui arti typographicae apud Basileenses post annum demum 1527 praeerat ⁴⁾, mihi persuasum est illam editionem, quae esse anni 1523 dicitur et pro prima habetur, nullam esse nisi numeris a Hirschio commutatis editionem anni 1532, quam I. A. Fabricius ⁵⁾ et ex eo Schweiger ⁶⁾, hic tamen signo dubitationis addito, laudant.

Nobis autem Panzero duce ⁷⁾ contigit, ut principem carminis Pisoniani editionem rarissimam reperiremus omnemque de ea dubitationem tollere possimus. Coniunctum enim et simul editum est carmen panegyricum primum cum Ovidii operibus in binis voluminibus, sed continuo foliorum numero signatis, formae octavae ⁸⁾ hoc indice: *P. Ovidii Nasonis opera. Castigata ad fidem veterum exemplarium a Ioanne Sichardo. Accesserunt omnium additionibus, quae in hunc diem extant, fragmenta quaedam Ovidii hactenus non visa ex libris qui periere Epigrammaton et carmen eruditissimum ad Pisonem.* fol. 1—263. Alterum volumen, cuius in praefatiuncula Adam Petri de divortio sive separatione operum Ovidii in duas partes pauca monet, hunc habet indicem: *P. Ovidii Nasonis Amatoria Heroidum Epistolae. Auli Sabini, ut creditur, Epistolae tres. Elegiarum libri tres. De remedio amoris libri tres. In Ibin. Ad Liviam de morte Drusi. De nuce. De medicamine faciei. Recens accessere Fragmenta quaedam ex Epigrammatis Nasonis. Carmen ad Pisonem incerti auctoris, elegantis tamen et eruditione iuxta nobile, et constat fol. 364—549.*

1) Annal. T. VI p. 239 nr. 493, b.

2) Lexic. T. II p. 260.

3) Tom. II p. 627.

4) Adam Petri de Langendorff pater ab a. 1510—1527, quo mortuus est, postea Henric. Petri filius libris imprimendis operam dederunt; cf. Panzer Vol. XI p. 608. Hinc et explicandum, quod Panzer l. l. p. 9 nomen *Henrici* (Vol. VI p. 239 nr. 493) in *Adam* correxit, quamquam numeros intactos reliquit. Accedit quod J. Sichardus ab anno demum 1525 Basileae vixit ibique scriptores latinos interpretatus est.

5) B. L. T. I p. 470, ubi Henr. Petri nominatur.

6) T. II p. 627.

7) Annal. Tom. XI p. 383 Nr. 665, b. Cf. etiam Eberti Bibl. Lex. T. II p. 259 et Schweigeri Handb. d. Bibl. T. II P. II p. 627. Editionem principem I. A. Fabricius quoque recte laudat in Bibl. Lat. T. I p. 470 Ern.

8) Exemplum integrum servatur in bibliothecis Monacensi et Argentoratensi, volumen alterum in bibliotheca Berolinensi, unde id accepimus.

In fine leguntur haec: *Basileae ex aedibus Adami Petri. Mense Martio. Anno MDXXVII.* Carmen nostrum ¹⁾ typis descriptum est fol. 546—549 cum indice *Ad Pisonem ad quem extat et Horatii Ars poetica.* Editio habet asteriscos, quibus vel lacunas vel corruptelas significat ²⁾, et signum †, quo varias scripturas vel fortasse ³⁾ coniecturas indicat. Qua ex editione nihil quidem novi nobis redundat ad carmen Pisonianum restituendum, nisi vs. 137 varia scriptura *promptus*, quam Bas. in contextum recepit, sed efficit editio, ut quid in codice anonymo scriptum fuerit, melius nobis constet.

Reliquas editiones ⁴⁾ quod attinet in quattuor familias distribui possunt, in *Sichardianam*, *Iunianam*, *Bersmannianam* et *Cortianam*, quibus singulae accedunt editiones *Heldiana* et *Beckiana*.

Ad *Sichardianam* pertinent, quae XII illos versus non in fine carminis, sed post vs. 71 habent et contextum *Sichardianae* plerumque ita repetunt, ut vel nihil vel parum in eo commutaverint. Huc referendae sunt ⁵⁾ Basileensis ⁶⁾ 1534, Lugdunensis I ⁷⁾ 1540, Micylliana I ⁸⁾ 1549, Lugdunensis II ⁹⁾ 1550, Lugdunensis III ¹⁰⁾ 1555, Coloniensis ¹¹⁾ s. a.,

1) Praecedunt fol. 544, b *Fragmentum Ovidii Nasonis repertum nuper in vetustissimo codice ex epigrammatis*, quod incipit: *Nox erat et somnus lassos submisit ocellos* etc., et fol. 545, a—b *Eiusdem ex epigrammatis* quod incipit: *Quantum Vergilius magno concessit Homero* etc.

2) Vs. 52 (deest versu 120) et vs. 207.

3) Vs. 128. 137. 177. 215. 243. 251.

4) Eas nos ipsi vidimus atque contulimus, nisi ubi collationes aliis debere indicatum est.

5) Ex editione *Sichardiana* prodiit, ut verisimile est, altera, quam benignissimus C. B. Hase in quinque bibliothecis Parisinis et ego in Germania frustra quaesivimus, ita ut de ea dubitare possis, sed laudat eam hoc indice: *Ovidii opera amatoria. — Carmen ad Pisonem incerti authoris. Paris. Sim. Colinaeus* 1529. 8. Vol. I—III. Panzer. T. VIII p. 123 Nr. 1799 ex Catal. Pinell. T. II. p. 328 et de la Vall. P. II Vol. IV p. 31; eandem in manibus habuisse videntur Brunet Manuel. T. III. p. 592 et Schweiger T. II p. 627. Repetita esse fertur Paris. 1541 (cf. Fabric. B. Lat. T. I p. 470 Ern.) et 1545; cf. Pinellii Catal. T. II p. 356 Nr. 4819.

6) In Ovidii operibus, ut omnes quae sequuntur. Hanc editionem ex antiquiore, ut recte divinaverat, repetitam Beckius p. XIII, solus ea usus, pessime interpolatam esse male censet; nam principe aliquatenus emendatior meliora hic illic praebet, si Beckii excerptis fides est habenda; cf. vs. 25. 76. 233. 239. Eadem vs. 120 lacunam vocabulo *mens* supplet, vs. 52 mutilum sinens; habet et variam scripturam cf. 137.

7) Iul. Heldius, quam ipse contulerat, cum recen-

sione I. Micylli Francofurtensi 1575 et Lipsiensi 1612 concordantem invenit. Lacunam supplet vs. 52, sed qua auctoritate id factum sit, non constat. Brunet auctore (Man. T. III p. 592) orta est cum ceteris Lugdunensibus ex Parisina 1529.

8) Varias scripturas ejus, quae in Vol. II p. 518—24 operum Ovidii continetur, carissimus Scheibe Prof. gymnasii Vitzthumensis mihi excerpsit. Contextum Micyllus non ex codice, ut falso Wernsdorf. p. 47 opinatur, sed ex editione Basil. 1534 et ex Lugdun. 1540 (cf. vs. 44. 52. 90. 174) sumsit; idem singulas aliorum addidit emendationes, cf. vs. 44 *namque ubi, Piso, 151 nebulis, 238 gestu*; ipse nihil novi de suo attulit.

9) In: *P. Ovidii Nas. amatoria, apud Seb. Gryphium, Lugduni* 1550. 12 p. 407—16. Collationem eius debeo benevolentiae C. B. Hasii. Ex tribus Lugdunensibus optima editio recedit a prima in XIV locis, (cf. vs. 35. 44. 69. 97. 126. 151. 158 etc.), quibus fere semper meliorem exhibuit lectionem, sed et errores typographicos emendavit, ipsa commisit paucos, cf. 60. 116.

10) In Ovidii amatoriis Lugduni apud Ant. Vincentium 1555. 12; aliam editionem Lugduni apud Gryphium typis a. 1554 expressam laudat Wernsdorf. T. V p. 1469, unde sua habet Lemairius, sed falso annum 1534. Nostra plerumque ad Lugd. 1 rediit (cf. vs. 44. 151. 158. 182. 242 etc.), paucas lectiones Lugd. 2 (cf. vs. 35. 69) servavit, errores typographicos (vs. 19. 125. 166 etc.) praeter veteres (vs. 79. 88. etc.) commisit, nova nisi forte vs. 90. 154 non praebet, omnino ceteris Lugdunensibus posthabenda est.

11) Editio Coloniensis s. a., distinguenda ab ea,

Micylliana II ¹⁾ 1575, Micylliana III ²⁾ 1579, Coloniensis II ³⁾ 1596, Francofurtensis sive Micylliana IV ⁴⁾ 1601 et Amstelædamensis ⁵⁾ 1649.

Iunianae autem familiae adscriptae sunt editiones, quae postquam Hadr. Iunius carmen Pisonis ex codice Atrebatensi evulgavit, hunc seculae editionibus prioris temporis non cognitis vel neglectis XII illos versus in fine panegyrici reposuerunt novasque, quas protulerat Iunius, scripturas praeter paucas propagarunt. Cuius familiae sunt editio Iuniana ⁶⁾ 1556, Pulmanniana ⁷⁾ 1564, Scaligeriana I ⁸⁾ 1573, Scaligeriana II 1575, Pulmanniana II ⁹⁾ 1576, Scaligeriana III 1595, Pithoeana ¹⁰⁾ 1596, Aureliana ¹¹⁾ 1611 et Maittaireiana ¹²⁾ 1713.

Iam vero hos editores, qui plerumque religiosi scripturam codicum immutare dubitaverant et stabiles usu receptam conservare maluerant, alii sunt secuti, qui contextum carminis Pisoniani suo arbitratu novabant et conformabant, alter *Greg. Bersmannus* timidior et cautior, varias lectiones inprimis Micylli et Iunii colligens et ex iis sua eligens, ita ut recensioem Sichardianam sive Micylli et Iunianam commisceret brevibus scholiis additis, alter *Gottl. Cortius* (post Casp. Barthii ¹³⁾ curas) audacior atque inconstantior

quam Mart. Laguna laudat (cf. Wernsdorf. T. IV p. 860), post Micyllianam evulgata in Ovid. Amator. p. 393—401, vestigia legit editionis Lugdun. I, in paucis, plerumque per errorem, ab ea recedens, cf. vs. 35 *Sed pro Sic, 93 omnis pro oris* etc.

1) Contulit eam I. Held, cf. eius praef. p. II, quae in singulis tantum a reliquis Micyllianis recedit; cf. vs. 83. 85.

2) Alia hic illic exhibet, quam prima Micylliana, plerumque levia, mox meliora cf. vs. 19. 35. 86. 90. 113, mox peiora cf. vs. 87. 89. 140. Complures habet errores typographicos, cf. vs. 215 *advoleisse*, ut editio 1549, pro *at voluisse*.

3) Veterum poetarum carmina selecta. Coloniae Agrippinae 1596. 12, cujus varietatem lectionum praebuit Mart. Laguna.

4) Francof. apud Wechel. in Ovid. T. I p. 423—25. Pendet tota ex prima Micylliana, ita ut raro ab ea recedat, cf. vs. 176. 215, non immunis vitiorum, cf. vs. 60. 256.

5) Repetita est ex Micylliana III una cum mendis ejus operarum, cf. vs. 60. 260, in Ovidio T. I p. 313—320.

6) In animadversorum lib. VI cap. 1. Quantum ipsi in edito rectiusque constituto hoc carmine debeatur non constat.

7) Pulmannus Iunium solum in editione sua Lucani secutus fere nihil ad carmen Anonymi restituendum attulit, nisi quod *praestringit* et Cnossius vs. 101 et vs. 142 in erratis commendat.

8) I. I. Scaliger, qui primus castigationes aliquot in Eclogam ad C. Pisonem scripsit, typis repetitas a Greg.

Bersmanno in Ovid. Lips. 1582 p. 427—30 et in eiusdem Lucano Lips. 1589 p. 385—88, panegyricum edidit in appendice Virgillii 1573 (p. 122—130 et p. 545—548), quem postea typis recudendum curavit Fr. Lindenbrogius 1575 et 1595, non ut Wernsd. T. IV p. 860 habet 1595 et 1617. Contextus primae editionis non recedit a Pulmanniana, ut supra diximus, neque a Iuniana, nisi vs. 216 *tenemus* pro *canemus*. Neque inter se differunt tres Scaligerianae nisi singulis mendis typographicis, cf. vs. 26. 144. 170, et scriptura, cf. vs. 112. 255.

9) In Lucano; neque recedit editio a priore Pulmanniana nisi scriptura, cf. vs. 19. 112, et varia lectione vs. 101 (ubi Ed. II *praestringit* habet pro *praestringit* Ed. I). vs. 142 (ex corrigendis prioris editionis). vs. 176 (*extulit* pro *extudit*) et emendatione vitii typographici vs. 170 (*securis* pro *securus*).

10) In libro, cuius index est (sine nomine Pithoei). *Epigrammata et poemata vetera ex antiq. codd. et lapidibus collecta*. [Lugduni] Apud Jac. Chouet 1596. 8. p. 260. Eadem collectio iam antea ex bibliotheca et cum emendationibus Pet. Pithoei Parisiis 1590 et postea Genevae 1619 evulgata est. Editio secunda repetita est ex Pulm. II, cf. vs. 176 (*extulit*). vs. 216 (*tenemus*). vs. 237 (*nomina*) et tantum in scriptura et interpunctione interdum recedit.

11) Varia ejus lectio debetur I. Heldio.

12) In: *Opera et fragmenta veterum poetarum latinorum*. Londini 1713 T. II p. 1590 sqq. Editio tota pendet ex Pulm. I, cf. vs. 142. 170. 176. 216. 237. Scripturam hic illic habet mutatam.

13) In Adversar. XII, 7.

et suas conjecturas cf. vs. 8. 202. 207) et aliorum variasque lectiones promiscue promens, ita ut certam artis criticae legem non servaret. Inde familia editionum orta est *Bersmanniana*, ad quam praeter editiones Bersmanni I¹⁾ 1582 et II 1589 pertinet Amsterodamensis²⁾ 1624, atque familia *Cortiana*, ad quam referendae sunt editiones Cortiana³⁾ 1726, Bipontina I⁴⁾ 1783, Wernsdorfiana⁵⁾ 1785, Reichardiana⁶⁾ 1793, Bipontina II 1807, Lemairiana⁷⁾ 1824, Weberiana⁸⁾ 1832.

Ex novissimis editoribus alter *Iut. Held*⁹⁾ de textu, quem vocant, bene meritus non solum variam lectionem ex XIV editionibus¹⁰⁾ diligentissime excerptam et pro certo constitutam una cum coniecturis vv. dd. apposuit, sed etiam verba panegyrici ad recensionem Sichardianam sive Micyllianam magis revocavit. Unum locum (vs. 254 *non pro nos*) praeter necessitatem emendare studuit. Atamen non omnem habuit suppellectilem, quae necessaria est; deerat ei editio princeps et Micylliana 1549 et neglexit, nescio cur, Martyni-Lagunae observationes a Wernsdorfio in supplemento additas; neque maiorem pane-

1) Primum in: *Ovidii 1582 Carmina amator.* p. 410 — 419 et saepius, cf. Fabric. B. L. T. II p. 471 Ern. deinde in Lucano 1589. Nihil discriminis reperi, nisi, quod posterior editio vitia aliquot typographica emendavit; cf. vs. 88. 216. Utraque autem cum Sichardiana sive cum Lugd. 1 (*Held Praef.* p. I) plerumque conspirat, nisi in collocatione versuum 72—84. Bersmannus inprimis tribus libris s. editionibus Pulmanni, Scaligeri et Pithoei usus est (cf. vs. 87. 91. 126), sed et novas conjecturas vel lectiones attulit, cf. vs. 157 *vestiet.* vs. 179 *gradu.*

2) In Lucano; quae editio in omnibus convenit cum Bersmann. 1589, nisi vs. 30 et 35.

3) In Lucano. Cortius, *nullis MSS., sed editionibus tantum diversis usus* (*Praef. ad Lucan.*), Iunio inprimis obsecutus est. Varias scripturas et coniecturas vv. dd. non distinguens arti criticae in panegyrico recte adhibendae plus obfuit quam profuit.

4) Bipontinae a Cortiana non nisi scriptura (vs. 49. 94), emendatione errorum typographicorum (vs. 92) et mutata interpretatione, cf. vs. 198, hic illic distinguuntur, ita tamen ut prior in scriptura magis cum Cortiana concordet (vs. 64. 136), posterior sit correctior (vs. 73. 92).

5) In *Poetis Lat. Min.* T. IV p. 236—282, quibus cum coniungendae sunt p. 36—48 (dissertatio de Saleio Basso) p. 72—75 (testimonia) p. 859—69 (notae Martyni-Lagunae) et T. V p. 1469 sq. et p. 1476 (additamenta). In contextu verborum post Cortium emendando, quamquam habebat nonnullas editiones nondum collatas, fere nihil praestitit neque omnia, quae ad rem criticam pertinent, diligenter notavit, ut Heldius p. 2 monet, cf. vs. 27. 207. Sed quemadmodum Cortius notas criticas in unum contulerat, ita Werns-

dorf. observationes interpretum, Bersmanni, Scaligeri, Lindembrogii collegit eaque re et suis animadversionibus additis de explicando panegyrico praeclare meruit. Praeterea Martyni-Lagunae notas adjecit plerumque criticas, ex decem editionibus et ex Cod. Varaviensi congestas. Communicaverat eas Mart. Laguna Zwiccaviensis (non *Eagonia Polonus*) Heynio excitante cum Wernsdorfio, qui nonnulla tantum iam dicta vel minus necessaria omisit; et praebent sane nonnihil adiumenti in re critica facitanda.

6) In *Sylloge opusculorum veterum poeticorum.* Lips. 1793 p. 44—64, quam *Henr. God. Reichard* in usum iuventutis studiosae collegit notisque paucis instructam edidit; is hic illic emendationes proposuit, cf. vs. 16. 23. 120.

7) In *Poet. Lat. Min.* Paris. 1824 Tom. III p. 232—270. Iste ne Parisinas quidem editiones contulit neque omnino quidquam sive in recensendis sive in explicandis panegyrici verbis praestitit, in scriptura hic illic a Wernsdorfiana discedens (*quum* vs. 17. 39. pro *cum* et *submoto* vs. 136), de suo aliquid raro adspargens, idque nullius pretii e. g. de pila p. 287 et de latruncolorum ludo p. 295, aliena negligenter compilans et colligens.

8) Quam curavit G. E. Weber in *Corp. poet. lat.* p. 1411—1413 in omnibus Cortium, ut ait ipse Praef. p. LXXVIII, secutus nisi uno loco (*sed pro et* vs. 122) et hic illic in scriptura (vs. 42 *causas* pro *caussas*; vs. 55 *attonitus* pro *adtonitus*).

9) *Incerti auctoris ad Calpurnium Pisonem carmen.* Vratislav. 1831. 4. Erravit in titulo Bernhardy p. 458.

10) In iis antiquissima erat Lugdunensis 1540.

gyrici editionem, quam Praef. p. 2 se paraturum esse promiserat, in lucem edidit. *Carolus Beck* ¹⁾ denique, qui carmen nostrum Statio vindicatum ierat, ad Iunium maxime reversus, editionis Basileensis 1534 varietatem plenam ²⁾ (Petr.) una cum Bersmanniana protulit eo consilio, ut inde *universa textus origo explicaretur*. Idem aliquot locos panegyrici sanasse sibi visus est, sed subsidiis vel omnino non usus, ut editione I. Heldii, vel recte utendi nescius, alia temere correxit (vs. 8), alia non emendavit, neque propositum et carminis auctori suo restituendi et in verbis rectius constituendi assecutus est ³⁾.

1) *P. Papinii Statii ad Calpurn. Pisonem poemation*. Onoldi 1835. 8. Censuram libri, quam Ungerus scripsit, vide in Jahrb. N. Th. 1836 Vol. 17 p. 261—277, aliam anonymi in Hall. L. Z. 1837 N. 51 p. 405.

2) Praef. Beck p. XV.

3) Prolegomenis finem imponere non possumus, quia animum gratum profiteamur gratiasque agamus viris doctis, quorum alii de singulis rebus huc spectantibus benevolentissime nobis responderunt, Dr. C. Halm

director bibliothecae regiae Monacensis, Dr. E. de Leutsch professor Gottingensis, Dr. A. Scheler Bruxellis, bibliothecarius regius, et Dr. Chr. F. Stälin Stuttgartiae, summus praefectus bibliothecae regiae, alii vel variis lectionibus vel animadversionibus liberaliter transmissis nos adiuverunt, humanissimus C. B. Hase Parisiis, amicissimus Dr. C. Scheibe professor gymnasii Vitzthumensis Dresdae et praeter ceteros Dr. R. Unger eruditissimus gymnasii Friedlandensis apud Megalopolitanos director.

INCERTI AUCTORIS
CARMEN PANEGYRICUM
IN
CALPURNIUM PISONEM
CUM
ADNOTATIONE CRITICA.

110 110 110 110

110 110 110 110 110 110 110 110

AD PISONEM*).

Sic.	<p>Unde prius coepti surgat mihi carminis ordo quosve canam titulos, dubius feror. hinc tua, Piso, nobilitas veterisque citant sublimia Calpi nomina Romanas inter fulgentia gentes;</p>	Iun.
5	<p>hinc tua me virtus rapit et miranda per omnes vita modos, quae si deesset tibi forte creato nobilitas, eadem pro nobilitate fuisset. nam quid imaginibus, quid avitis fulta triumphis atria, quid pleni numeroso consule fasti</p>	5
10	<p>profuerint, si vita labat? perit omnis in illo</p>	10

*) Ita scripsi. *Ad Pisonem, ad quem extat et Horatii Ars poetica* SIC. Nic. 1. 3. Lugd. 2. 3. Colon. 2 et Lugd. 1554; cf. Wernsd. T. V p. 1409. P. Ovid. *Nasonis ad Pisonem carmen, ad quem etc.* Francof. *Lucani poema ad Calpurniam Pisonem ex libro Catalecton* Iun. M. Anacii *Lucani ad C. P. poemation* Pulm. M. A. L. *ad C. P. panegyricum* Scal. Pith. Bersm. (qui addit *sive ecloga*) Amstel. Amsterdam.; cf. Barth. *Advers.* p. 1014. M. A. L. *ad C. P. poemation* Reich. *Inseriti auctoris ad C. P. poemation* Cort. Bip. (cum add. *Lucano vulgo adscriptum*). Inc. auct. *Carmen ad C. P. Hd. Salsii Bassi ad C. P. poemation* Luc. vulg. adscr. Wernsd. Lem. Sal. Bassi *Panegyricus in C. Calp. Pis. Web. P. Papinii Statii ad C. P. poemation* Bk. In scheda, quam Ios. Scaliger

vidit, *Lucani catalecton de laude Pisonis*; an *catalecton ad Pisonem*? cf. Scal. *Append.* p. 545 (p. 279).

vs. 1. Carmen ab his verbis: *nihil est quod texas ordine longum*, in MS. Scal. incept, quamobrem Scal. et Bk. initium carminis intercidisse arbitrantur. Illum recte refutat Wernsd. L. I. T. IV p. 45 sq., in his glossa deprehendens (cf. Virg. Cir. 339), hunc Ung. p. 272, v. *coepti* bene explicans.

vs. 3. *Calphi* Colon. 1; cf. ad vs. 15.

vs. 8. *culta* con. Cort., quod et Burmanno placebat ad Anthol. Lat. T. I p. 207. — *tropaeis* Bk., quod Heins. voluerat Burmanno l. l. probatum. *Valgatam* praefert Wernsd.

vs. 10. *cui vita* IVN. Bk. et pro v. l. Bersm. Cort. *si vita* SIC. Bas. BM. Colon. 2. CO. Hd.

Sic.	gentis honos, cuius laus est in origine sola.	Iun.
	at tu, qui tantis animum natalibus aequas	
	et partem tituli, non summam ponis in illis,	
	ipse canendus eris; nam quid memorare necesse est,	
15	ut domus a Calpo nomen Calpurnia ducat	15
	claraque Pisonis tulerit cognomina prima,	
	humida callosa cum pinseret hordea dextra?	
	nec si cuncta velim breviter decurrere possim,	
	et prius aethereae moles circumvaga flammae	
20	annua bis senis revocabit mensibus astra,	20
	quam mihi priscorum titulos operosaque bella	
	contigerit memorare; manus sed bellica patrum	
	armorumque labor veteres decuere Quirites	
	atque illos cecinere sui per carmina vates.	
25	nos quoque pacata Pisonem laude nitentem	25

vs. 11. *gentis honos* SIC. Bas. Lugd. 1. 2. 3. BM. Hd. et pro v. l. Cort., quod etiam Wernsdorfio placet. *nobilitas* IUN. Aurel. Cort. Bk. et pro v. l. Bersm. — *cui* Aurel. vitio typograph. — *latus* vitiose Lugd. 1.

vs. 12. *at tu* SIC. Bas. Lugd. 1. 2. 3. BM. Colon. 2. Hd. et pro v. l. Cort., quam probat Wernsd. *felix* pro *at tu* IUN. Aurel. CO. Bk. et pro v. l. Bersm. Reprobatur Mart. Lag. p. 861.

vs. 13. *tituli, non* CO. *tituli non* vulgo coniungunt.

vs. 15. *Calpho* Mic. 1. Colon. 1. Francof. — *Calphurnia* Sic. Lugd. 1. 3. Colon. 1. Francof. *Calphurina* Mic. 1. *Calpurina* Mic. 3 et Colon. 2; cf. Barth. Advers. CLXVI, 6 p. 157.

vs. 16. *primā* VA, quam ob rem Mart. Lag. *primum* voluit, *primum* vel *primus* Reich.

vs. 17. *tumida*, quod Scal. App. p. 280 voluit, Menrsio ad Lycophr. 483 probatum, damnant Cort. Mart. Lag. Ung. p. 271, qui et in *viuida* inciderat. *tumida* (!) coni. Bk. — *pinserit* scriptum avert Cuper. Obs. II, 14 p. 232. UNG.

vs. 19. *aethereae* Sic. Lugd. 1. Mic. Colon. 2. Francof. *aetheriae* Iun. BM. Cort. Hd. Bk. *aethereae* Lugd. 2. 3. Mic. 3. Pulm. Pith. Scal. — *molles* Mic. 3. Lugd. 3. — *flammae* Scal. *flavae* Maitt. vitiose.

vs. 20. *bissenis* SIC. IUN. BM. *bis senis* CO. Hd. Bk. — *renovabit* melius videtur Wernsd., *revocabit* defendit Bk.

vs. 21. *Pisonum* coniec. Barth. in Advers. XLIX, 7 p. 2292, quod Wernsd. improbat.

vs. 22. Pro *memorare* propter vs. 14 vult numerare M. Lag. et pro *sed*, cuius loco est *sit* in VA; *si*, ita ut apodosis vv. *nos quoque* incipiat.

vs. 23. *priscos* pro *veteres* Barth. l. l. ex codice (?), nisi est error. — *decuere* VA. Idem coni. Barth. l. l., quod Wernsd. M. Lag. et G. E. Webero, nisi malles anacoluthon statuere, probatum Reich. Hd. et Bk. receperunt. Vulgo *decuere*. Cort. [cum Reich.] locum esse corruptum censet, ad notas suas, quae perierunt, nos relegans.

vs. 24. *carimna* Francof.

Sic.	exaequamus avis. nec enim si bella quierunt, occidit et virtus; licet exercere togatae munera militiae; licet et sine sanguinis haustu mitia legitimo sub iudice bella movere.	Iun.
30	hic quoque servati contingit gloria civis altaque victrices intexunt limina palmae. quin age maiorum, iuvenis facunde, tuorum scande super titulos et avitae laudis honores armorumque decus praecede forensibus actis.	30
35	sic etiam magno iam tunc Cicerone iubente laurea facundis cesserunt, arma togatis. sed quae Pisonum claros visura triumphos olim turba vias impleverat agmine denso, ardua nunc eadem stipat fora, cum tua moestos	35
40	defensura reos vocem facundia mittit.	40

vs. 26. *exaequamus* Scal. 1. *exaequemus* vult M. Lag. — *nec enim* SIC. Bas. Lugd. 1. 2. 3. BM. Colon. 2. Hd. et pro v. l. Cort. *tamen etsi* IUN. Aurel. CO. Bk., sed *nec enim* comprobans, et pro v. l. Bersm.

vs. 27. *occidit* SIC. Bas. Lugd. 1. 2. 3. BM. Colon. 2. Hd., quod et Wernsd. probat. *non perit* IUN. Aurel. CO. Bk. et Bersm. in marg. — M. Lag. coni. *etenim si b. q. non perit et virtus.*

vs. 28. *libet* affert Sagitt. de ian. p. 224.

vs. 29. *bella tueri* scriptum affert Cangius in Niceph. Bryenn. p. 212 (p. 222 Nieb.) UNG.

vs. 30. *hic* SIC. Bas. Lugd. 1. 2. 3. BM. Colon. 2. et pro v. l. Cort., qui tolerabile esse putat. *hinc* IUN. CO. Hd. Bk. et in marg. Bersm., melius id ratus, ut Bk. — *continget* SIC. Bas. Lugd. 1. 2. 3. BM. et pro v. l. Cort. *contingit* IUN. CO. Hd. Bk. et in marg. Bersm. id praeferebat.

vs. 31. *victrici* Sic. Mic. 1. Lugd. 1. 2. 3. Francof. *victricis* BM. Mic. 3. *victrices* IUN. CO. Bk. *victores*

habet Casaub. ad Sueton. Domit. 23 et Sagitt. l. l., nescitur unde.

vs. 32. *quae* vitiose Lugd. 2.

vs. 35. *sed etiam* Colon. 1. — *magnae* SIC. Lugd. 1. Mic. 1. Colon. 1. Francof. *magno* Lugd. 2. 3. IUN. Mic. 3. BM. CO. Hd. Bk. — *nunc* Scal. 1624. — *inventae* SIC. Lugd. 1. Mic. 1. Colon. 1. Francof. *iuventa* Bas. *vigente* Lugd. 2. 3. IUN. Mic. 3. BM. CO. Hd. Bk. *iuvante* coniecit Ung. 269 sq.; emendavi *iubente* quasi duce, qui nunc est.

vs. 36. Comma post v. *facundis* addi voluit Ung. p. 276 respiciens ad Cic. versum Offic. I, 22; cf. Wernsd. Exc. VIII l. l. p. 389 sqq.

vs. 37. *sed quae Pisonum clar. vis.* SIC. Bas. Lugd. 1. 2. 3. BM. Colon. 2. et pro v. l. Cort. de v. *quondam* nihil monens. *quaeque patrum claros quondam vis.* IUN. CO. Hd. Bk. et pro v. l. Bersm. — *sed*, nisi malis et, distinguendis est tempora diversa.

vs. 39. *maestos* Pulm. Cort.

vs. 40. Plene distinxit Bk.

Sic. seu trepidos ad iura decem citat hasta virorum
 et firmare iubet centeno iudice causas,
 seu capitale nefas operosa diluis arte,
 laudibus ipsa tuis resonant fora. tu rapis omnem
 45 iudicis affectum possessaque pectora tentas;
 victus sponte sua sequitur quocunque vocasti,
 flet si flere licet, gaudet gaudere coactus,
 et te dante capit iudex si non habet iram.
 sic auriga solet ferventia Thessalus ora
 50 mobilibus frenis in aperto flectere campo,
 qui modo non solum rapido permittit habenas
 quadrupedi, sed calce citat, modo torquet in auras
 flexibiles rictus et nunc cervice rotata
 incipit effusos in gyrum carpere cursus.
 55 quis non attonitus iudex tua respicit ora?

vs. 42. *caussas* Pulm. Pith. Scal. Cort. Hd.

vs. 43. *nephas* Lugd. 1. 2 (?). 3. Mic.

vs. 44. *tu rapis omnem* optime emendavit corruptelam ex *turapisōnem* ortam Ung. p. 268 et in Theb. Paradox. p. 432 et in Anal. Propert. p. 64. *dura Piso*, *nam* (vel . *Nam*) SIC. Bas. Lugd. 1. 3. *tu quoque Piso* IUN. Aurel. CO. Hd. Bk., frustra ea defendens, et pro v. l. Bersm. *dura Piso sine nam* Colon. 2. *duraque Piso* VA. *namque ubi Piso* Lugd. 2 (*nanque*). BM. et pro v. l. Mic. Lugd. 1. 3. Colon. 2. Cort., quae et Wernsd. praefert. M. Lag. coni. *fora*, *duraque*, *Piso*, *iudicis*, *affectu poss. p. ducis*.

vs. 45. *adfectum* Bip. — *tentas* SIC. (addito puncto) Bas. Lugd. 1. 2. 3. BM. Colon. 2. et pro v. l. Cort., cui vox placet, probata et Ungero p. 270, sed Wernsd. reprobata. *ducis* IUN. CO. M. Lag. Hd. Bk. et pro v. l. Bersm., quod Wernsd. mavult.

vs. 46. *victus* SIC. Bas. Lugd. 1. 2. 3. BM. Colon. 2. et pro v. l., quam cum Wernsd. probat, Cort. *victor* IUN. CO. Hd. Bk. et pro v. l. Bersm. Bk. male compositum cum *sua sponte* putat; sed est oxymoron. *victor*

mavult M. Lag. — *quocunque* Cort.

vs. 47. *libet* SIC. Lugd. 1. 2. 3. BM. Colon. 2. et pro v. l. Cort., quod cum M. Lag. et Bk. damnat; correxi *licet*, per te. — *iubes* Bas. (?) IUN. CO. et pro v. l. Bersm. — *vocatus* Barth. in Advers. XLIX, 7 p. 2292 perperam coniecit Cortio et Wernsd. recte iudicantibus.

vs. 48. *si non* SIC. Bas. Lugd. 1. 2. 3. BM. Colon. 2. et pro v. l. minus elegante Cort., quam et M. Lag. damnat. *quam non* IUN. CO. Hd. Bk. et pro v. l. Bersm.

vs. 50. *fraenis* Lugd. 3. Iun. Reich.

vs. 51. *habenae* vitiose Reich.

vs. 52. *cornipedi* Barth. Adv. XLIX, 7 p. 2292 affert. — *torquet in auras* desunt Sic. et Bas., quorum ille versui addidit asteriscum, ut Francof.; versum integrum habet prima (?) Lugd. 1, deinde Mic. Lugd. 2 etc. — *aures* pro v. l. Cort. *armos* coni. Barth. l. l. et ad Stat. Silv. V, 2, 515 probante Wernsd.; dubitat de dictione *in armos torquere* M. Lag., damnat coniecturam Bk.

vs. 53. *rotata*. Ung. p. 275 de *retorta* cogitaverat.

vs. 55. *adtonitus* Cort.

Sic.	quis regit ipse suam nisi per tua pondera mentem?	Iun.
	nam tu, sive libet pariter cum grandine nimbos	
	densaque vibrata iaculari fulmina lingua,	
	seu iuvat adstrictas in nodum cogere voces	
60	et dare subtili vivacia verba catenae,	60
	vim Laertiadae, brevitatem vincis Atridae;	
	dulcia seu mavis liquidoque fluentia cursu	
	verba nec incluso sed aperto pingere flore,	
	inclita Nestorei cedit tibi gratia mellis.	
65	nec te, Piso, tamen populo sub iudice sola	65
	mirantur fora, sed numerosa laude senatus	
	excipit et meritas reddit tibi curia voces.	
	quis digne referat, qualis tibi luce sub illa	
	gloria contigerit, qua tu reticente senatu,	
70	cum tua bis senos numeraret purpura fasces,	70
	caesareum grato cecinisti pectore numen?	71
	quodsi iam validae mihi robur mentis inesset	250

vs. 57. *liber* vitiose Cort.

vs. 59. *adstrictas* SIC. Lugd. 3. BM.

vs. 60. *membra catenae* coni. M. Lag. p. 862. *catena* Lugd. 2. 3. Colon. 2. Francof. et Amstel.

vs. 62. *dulcia* IUN. CO. Hd. Bk. et pro v. l. Bersm. *dulci* SIC. Bas. Lugd. 1. 2. 3. Colon. 2. BM. et pro v. l. Cort. Pro cursu M. Lag. l. l. vult *rursum* i. q. *παλιν*.

vs. 64. *inclita* SIC. IUN. BM. CO. *inclita* Bip. 2. Hd. Bk. etc.

vs. 67. M. Lag. p. 863 putat scriptum fuisse *meritos r. t. c. honores*.

vs. 69. *reticente* Lugd. 2. 3. IUN. CO. Hd. Bk. et pro v. l. Bersm., quam probat M. Lag., i. q. diligenter auscultante. *reticente* SIC. Bas. Mic. Lugd. 1. BM. Colon. 2. et pro v. l., quam damnat, Cort. et Bk. *recinente* voluit Unger p. 268 sq., quod vv. *meritas reddit tibi curia voces* et v. *cecinisti* vs. 71 respondet, i. q. acclamante, ut

vs. 44 *resonant*; tum mallem *plaudente*.

vs. 70. *bissenos* SIC. IUN. *bis senos* BM. CO. Hd. Bk. — *fasceis* Pulm. Scal. Pith. Cort.

vs. 71. *gratum* Colon. 1. — Versus seqq. 72 *quodsi* — 83 *penatibus ipsis*, h. l. omissos, in fine carminis post vs. *coeperit* — *aestas*, ita utsint vs. 250—261, addunt IUN. BM. Aurel. Maitt. CO. et qui hunc versuum ordinem frustra defendit Bk. Suo loco hic eos habent SIC. Bas. Lugd. 1. 2. 3. Mic. 1. 2. 3. Colon. 2 et Hd. Eundem meliorem versuum ordinem postea et Wernsd. T. V p. 1470 perspexit et contra Bk. bene tuetur Ung. p. 272. Cf. Proleg. p. 4.

vs. 72 *quodsi* Francof. et M. Lag., *quod si* ceteri. — *iam* SIC. Bas. Lugd. 1. 2. 3. BM. Colon. 2. Hd. Bk., *tam* impugnans, et pro v. l. Cort. *tam* IUN. Aurel. CO et pro v. l. Bersm. *iam* comprobat M. Lag., qui *robur mihi* scribi vult.

Sic.	et solidus primos impleret spiritus annos,	Iun
	auderem voces per carmina nostra referre,	
75	Piso, tuas, sed fessa labat mihi pondere cervix	253
	et tremefacta cadunt succiso poplite membra.	
	sic nec olorinos audet Pandionis ales	
	parva referre sonos, nec si velit improba possit;	
	sic et aedonia superantur voce cicadae,	
80	stridula cum rapido faciunt convicia soli.	258
	quare age, Calliope, posita gravitate forensi	
	limina Pisonis mecum pete; plura supersunt,	
	quae laudare velis inventa penatibus ipsis.	261
	huc etiam tota concurrit ab urbe iuventus	72
85	auditura virum, si quando iudice fesso	73
	turbida prolatis tacuerunt iurgia rebus.	
	tunc etenim levibus veluti proludit in armis	
	compositisque suas exercet litibus artes.	
	quin etiam facilis romano profluit ore	
90	Graecia cecropiaeque sonat gravis aemulus urbi;	78

vs. 73. *primus* Bip. 1.
 vs. 74. *dotes* pro *voces* coniecit Santen. teste Wernsd., qui *voces* tuetur. Coniecturam damnat Bk; cf. Unger. p. 273.

vs. 75. *succiso*, pro *succiduo* dictum, non esse mutandum monet Ung. p. 276, cuius verba spectant ad *submisso poplite*, quod apud Catull. VI, 245 legitur, ut v. d. me per literas docuit.

vs. 77. *sed nec* IUN. Reich. et pro v. l. Bersm. cum Cort., quorum ille *sed* reprobatur, ut et Bk. sic reliqui.

vs. 79. *hedtonia* Sic. Lugd. 1. 3. Colon. 2. Francof. *Hedonia* Mic. 1. *aedonia* Lugd. 2. IUN. Mic. 3. BM. Maitt. CO. Hd. Bk. et pro v. l. Lugd. 1. 3. Mic. 1. Colon. 2. Francof.

vs. 80. *rabido*, quod Beckio displicet, Wernsd. teste

Santen. coniecit. *convitia* Lugd. 3. *convivia* vitiose Bk.

vs. 81. *gare* vitiose Bersm. 2.

vs. 83. *quis* laud. Mic. 2. 3.

vs. 85. *verum* Mic. 2 vit. typogr.

vs. 86. *pro latis* Mic. 1. Lugd. 3. Francof.

vs. 87. *tunc etiam* Mic. 3. BM. Colon. 2. et pro v. l. Cort. *etenim* pro v. l. Bersm.

vs. 88. *compositusque* Sic. (Bas. ?) Mic. 1. 2. 3. Lugd. 1. 3. Bersm. 1. Colon. 2. Francof.

vs. 89. *perfluit* Mic. 2. 3. BM. Colon. 2 et pro v. l. Cort. *profluit* pro v. l. Bersm.

vs. 90. *Graecia* — *aemulus* dure dicta; an *sermo* pro *Graecia*? *cecropioque* Mic. 1. 3. Lugd. 1. 3. — *sonas* coniec. Wernsd.; *sonat* tuetur Bk. — *favus* pro *gravis* vult Heins. Advers. IV, I, p. 557, probatum Burm. Anth. L. T. I. p. 743 et T. II. p. 326,

Sic.	testis, acidalia, quae condidit alite muros, euboicam referens facunda Neapolis arcem. qualis, io superi, qualis nitor oris amoenis vocibus; hinc solido fulgore micantia verba	Iun.
95	implevere locos; hinc exornata figuris advolat excusso velox sententia torno. magna quidem virtus erat, et si sola fuisset, eloquio sanctum modo perfulcire senatum, exonerare pios modo, nunc onerare nocentes,	83
100	sed super ista movet plenus gravitate serena vultus et insigni praestringit imagine visus. talis inest habitus, qualem nec dicere moestum nec fluidum, laeta sed tetricitate decorum possumus; ingentis stat nobilitatis in illo	88
105	pulcher honos et digna suis natalibus ora. additur huc et iusta fides et plena pudoris libertas animusque mala ferrugine purus, ipsaque possesso mens est opulentior auro.	93

sed a Wernsd. recte repudiatum. — undae CO. ex Lucano Amsterod. ap. Io. Iansson. 1626, quod Wernsd. defendere studet sed frustra.

vs. 92. *refens* Cort err. typogr. — *secunda* vitiose Cort. Bip. 1. *foecunda* Sic. Mic. 1. 3. Lugd. 3. Iun. Francof. *facunda* ex *fecunda* bene coni. Ung. p. 265; cf. Martial. V, 78, 14 *docta Neapolis*.

vs. 93. Pro *io* VA. *ie*, unde M. Lag. proponit *qualis inest Superis, talis nitor oris amoeni vocibus*, ut Piso cum Mercurio comparetur. *omnis amoenis* Colon. 1.

vs. 97. *etsi* Bas. Mic. 1. 3. Lugd. 2. BM. Francof. et pro v. l. Cort. *et si*, quod reliqui habent, Bersm. pro v. l.

vs. 98. *perfulcire* SIC. Bas. Lugd. 1. 2. 3. BM. Colon. 2. et pro v. l. Cort. *permulcere* JVN CO. Hd. Bk. et pro v. l. ex duobus libris Bersm. *perfulcire*

tuetur Ung. p. 269, ut sit i. q. *praefulcire*; illud est consulis, qui senatum suadendo sustinet; cf. Cic. Rep. II, 9, 15.

vs. 99. *exornare* Colon. 1. Reich. per errorem.

vs. 101. *vultus* Cort. *insigni* Lugd. 2. JUN. BM. CO. Hd. Bk. *insignis* Sic. Bas. Lugd. 1. 3. Mic. 1. Francof. — *praestringit* Pulm. 2. (commendatum in erratis Pulm. 1.) Aurel. Reich. — *visu* Bas.

vs. 102. *maestum* Pulm. Scal. Cort.

vs. 104. *possimus* perperam scriptum affert Heins. ad Sil. Ital. V, 220 p. 260. UNG.

vs. 105. *pulcer* Pulm Scal. BM.

vs. 106. *casta* pro *iusta* Bk. emendat sine causa, ut Ung. p. 272 monet.

vs. 108. *mens*. Cf. Barth. in Claud. Cons. Prob. et Olybr. 46 p. 20. UNG., quem locum supra p. 16 not. 1. silentio transmiseram.

Sic.	quis tua cultorum, iuvenis facunde, tuorum	Iun.
110	limina pauper adit, quem non animosa beatum excipit et subito invat indulgentia censu? quodque magis dono fuerit pretiosius omni, diligis ex aequo, nec te fortuna colentum natalesve movent; probitas spectatur in illis.	98
115	nulla superborum patiuntur dicta iocorum, nullius subitos adfert iniuria risus; unus amicitiae summos tenor ambit et imos. rara domus tenuem non aspernatur amicum raraque non humilem calcat fastosa clientem;	103
120	illi casta licet mens et sine crimine constet vita, tamen probitas cum paupertate iacebit. sed lateri nullus comitem circumdare quaerit, quem dat purus amor, sed quem tulit impia merces; nec quisquam vero pretium largitur amico,	108
125	quem regat ex aequo vicibusque regatur ab illo, sed miserum parva stipe focilat, ut pudibundos	113

vs. 110. Pro *beatum* Cuper. Observ. III, 1 p. 264 vult *reatum* i. aeris alieni reum, quod Wernsd. et Bk. recte improbant.

vs. 112. *preciosius* Mic. 1. 3. JUN. Scal. 1. 3. BM. Francof.

vs. 113. *diligit* Sic. Lugd. 1. 3. Mic. 1 (et a. 1612) Colon. 1. 2. Francof. *diligis* Bas. (?). Lugd. 2. IUN. etc. — *colentum* SIC. Bas. Lugd. 2. 3. BM. et pro v. l. Cort., laudatum et a Meibom. in Maecenat. p. 103 et probatum M. Lag. *clientum* JUN. et pro v. l. ex duobus libris Bersm., comparans vs. 109 *cultorum*; cf. et vs. 133.

vs. 116. *subito* Lugd. 2. — *affert* Bk. *infert* Meibom. l. l.

vs. 120. *illi* Tollius [v. d. apud Cortium] in Auson. [Jd. IV, 2] p. 309 id quod fugit Beckium. UNG. *illi* probant Cort. et Reich.; in contextum recepit Bk.

Editiones omnes *illic*. — *mens* deest Sic.; prima (?) addidit Bas.

vs. 122. et pro *sed*, quod Laur. Santen. in literis ad Wernsd. datis suaserat, hic et Web. probant Klaasmann in Philol. 1856 p. 591 sq. scribit *sic*, cujus de significatione attulit Lachmann. ad Propert. I, 23, 6 et Hertzberg. ib. ad I, 19, 16. num pro *sed* mavult Bk. *circumdare* SIC. Lugd. 3. JUN. BM. *circumdare* Co. Hd. Bk.; cf. vs. 19 et C. L. Schneider. Gr. L. II. p. 536.

vs. 124. *precium* Mic. 1. 3. JUN. Scal. 1. 3. BM.

vs. 125. *rogatur* Lugd. 3.

vs. 126. *focilat* SIC. Bas. Lugd. 1. 2. 3. Mic. 1. 2. 3. BM. Francof. Colon. 2 et pro v. l. Cort.; *munerat* JUN. CO. Hd. Bk. et pro v. l. ex Jun. et Scal. Bersm. [*munerat* affert Lips. ad Senec. Constant. II, 11 p. 180. UNG.] *focilat* *dwarsles* probat Casaub. ad

Sic.	exercere sales inter convivia possit.	Iun.
	ista procul labes, procul haec fortuna refugit,	
	Piso, tuam venerande domum; tu mitis et acri	
130	asperitate carens positoque per omnia fastu	118
	inter ut aequales unus numeraris amicos,	
	obsequiumque doces et amorem quaeris amando.	
	cuncta domus varia cultorum personat arte,	
	cuncta movet studium; nec enim tibi dura clientum	
135	turba rudisve placet, misero quae freta labore	123
	nil nisi summoto novit praecedere vulgo,	
	sed virtus numerosa iuvat. tu pronus in omne	
	pectora ducis opus, seu te graviora vocarunt,	
	seu leviora iuvant; nec enim facundia semper	
140	adducta cum fronte placet. non semper in armis	128
	bellica turba manet, nec tota classicus horror	
	nocte dieque gemit, nec semper Cnosius arcum	

Sueton. Octav. 17, quod in aetate carminis panegyrici definienda pondus habere Ung. p. 276 voluerat et in epistola mihi scripta compluribus veterum glossariorum locis comprobavit. Distinguendum est inter *focillare*, quo utuntur Senec. Ep. 13, 14; Plin. Ep. III, 14, 4; 16, 12; Suet. Oct. 17, 1, Non. ex Varrone 7, 108 p. 481 (ubi est deponens) et inter *foculare* s. *focillare*, quod habet Non. 1, 31 p. 10 explicans *fovere* et media imprimis latinitas usurpasse videtur, noster autem poeta contra legem prosodiacam scripsit. — *pudibundus* Sic. Lugd. 1. Mic. 1. 2. Colon. 1. 2. Francof. *pudibundos* Bas. (?). Lugd. 2. 3. IUN. etc.

vs. 128. *ipse procul livor* SIC. Bas. Mic. Lugd. 1. 2. 3. BM. Colon. 2. et pro v. l. Cort, qui *iste* per errorem exhibet; *ipse p. livor* reprobatur Wernsd. *ista pr. labes* IUN. CO. Hd. Bk. et pro v. l. Bersm. eam probans. *labes* pro v. l. Sic. Bas.

vs. 130. *vasta* vitiose Mic. 2.

vs. 131. *et pro ut* vitiose Aurel.

vs. 132. *amando quaeris amorem* scriptum affert

Barth. in Claudian. IV Cons. Hon. 283 p. 645. UNG.

vs. 136. *submoto* Bip. 2. — *volgo* Cort.

vs. 137. *promptus* pro v. l. Sic. Bas. V. *pronus* propensum Pisouis animum, v. *promptus* miram eius dexteritatem significari dicit Bk.

vs. 140. *abducta* Mic. 2. 3. BM. Colon. 2. et pro v. l., quam damnat, Cort. *adducta* SIC. Bas. cet. et ex tribus libris pro v. l., quam probat, Bersm. — *non semper* SIC. Bas. Mic. 1. 2. 3. Lugd. 1. 2. 3. BM. Colon. 2. Francof. et pro v. l. Cort. *nec* IUN. CO. Hd. Bk. et ex Iun. et Scal. pro v. l. Bersm.

vs. 142. *fremet* coniecerat M. Lag., sed haesit, quum ipse alicubi(?) *classica rauca gemunt* legisset. — *non semper* SIC. Bas. (?) Mic. 1. 2. 3. Lugd. 1. 2. 3. BM. Colon. 2. Francof. et pro v. l. Cort. *nec* IUN. CO. Hd. Bk. et pro v. l. Bersm. — *Gnosius* SIC. Lugd. 2. Mic. 3. IUN. *Gnosius* Mic. 1. Lugd. 3. BM. Francof. Web. Hd. *Cnosius* Pulm. 2. CO. Bk. et in erratis pro *Gnosius* Pulm. 1. *Cnosius* optimum censet M. Lag. et commendat Ung. p. 269. — *arcus* SIC. Bas. Mic. 1. 2. 3.

- Sic. destinat, exempto sed laxat cornua nervo;
 et galea miles caput et latus ense resolvit.
 145 ipsa vices natura subit variataque cursus
 ordinat inversis et frontibus explicat annum.
 non semper fluidis adopertus nubibus aether
 aurea terrificis obcaecat sidera nimbis,
 cessat hiems madidos et siccatur capillos,
 150 ver fugit aestates, aestatum terga lacessit
 pomifer autumnus nivibus cessurus et undis.
 ignea quin etiam superum pater arma recondit
 et Ganymedeae repetens convivium mensae
 pocula sumit ea, qua gessit fulmina dextra.
 155 temporibus servire decet; qui tempora certis
 ponderibus pensavit, eum si bella vocabunt,
 miles erit; si pax, positus toga gestiet armis.

Lugd. 1. 2. 3. BM. Francof. et pro v. l. Cort. *arcu*
 IUN. CO. Hd. Bk., qui supplet *feras*, et pro v. l. Bersm.
 [*arcu* scriptum afferunt Savaro in Sidon. Apoll. Ep. I, 2
 p. 15 et Scalig. in Manil. p. 418. UNG.] *arcum* vel
arcus (accus.) proponit Reich., nisi *arcu* pro *arcui*
 omisso v. *ictum* accipiatur. Ung. p. 269 praefert *arcus*
 (cornua), ut sit accusativus, et comprobat exemplis.
 Malim cum Reich. *arcum*, quod dedi.

vs. 143. *exempto* Pulm. Scal. BM. CO. Hd. Bk.
exempto Sic. Lugd. 3. Iun. Pith. Francof. — *laxat sed*
 malit M. Lag.

vs. 144. *capit* Scal. 2. vitiose.

vs. 145. Heins., Burm. teste in Anth. L. T. II
 p. 344, coniecit *ipsa viciis Natura suae variata re-*
cursus ordinat. Coniecturam haud necessariam et
 intempestivam recusat Wernsd.

vs. 146. Heins. emendavit *in vernis nec frondibus*,
 Bk. *inversis frontibus* i. prorsus mutata facie, quod et
 Ung. p. 272 probat et ego recepi pro *frondibus*.

vs. 147. *pluviis* pro *fluidis* coni. Heinsius.

vs. 148. *obcoecat* Hd. — *sydera* Sic. Lugd. 3.

vs. 149. *hyems* Sic. Mic. 1. 3. Lugd. 3. Iun. BM.
 Francof. — Heins. l. l. coniec. ut *siccet*.

vs. 151. *auctumnus* BM. Bk. — *nubibus* SIC. Bas.
 Lugd. 1. 3. Francof. *nimbis* IUN. Aurel. Heins. et pro
 v. l. Bersm. et Cort. *nebulis* Lugd. 2. BM. CO. Hd.
 Bk. et pro v. l. Mic. 1. Lugd. 1. 3. Francof. *nivibus*
 bene emendavit Barth. ad Stat. Theb. V, 364. Idem
 tamen Barth. legit *nimbis* ibid. ad XII, 654 et [in
 Briton. Philipp. X, 1 p. 636 *nimbis cessurus et umbris*.
 UNG.] *nivibus* probant Bk. et Ung. p. 270 et in Com-
 ment. de Valg. p. 271. — *udis* pro *undis* Heins.

vs. 152. *reponit* fort. pro *recondit* Wernsd.

vs. 153. *Ganimedeae* Lugd. 2. *Ganymedaeae* Pith.

vs. 154. *quae* pro *qua* Lugd. 3. — *iecit* fort. pro
gessit Wernsd., quod damnat Bk.

vs. 156. *pensabit* affert Lips. ad Senec. Tranq. 3.

vs. 157. *vestiet* Lips. l. l. et pro v. l. Bersm. et
 Cort., quod (non *vestiat*) placet M. Laguna ad Lucan.
 V, 327; *gestiet* recte probant Bk. et Ung. p. 275.

Sic.	hunc fora pacatum, bellantem castra decebunt.	Iun.
	felix illa dies totumque canenda per aevum,	
160	quae tibi, vitales cum primum traderet auras,	148
	contulit innumeras intra tua pectora dotes.	
	mira subest gravitas inter fora, mirus ommissa	
	paulisper gravitate lepos. si carmina forte	
	nectere ludenti iuvat fluitantia versu,	
165	aonium facilis deducit pagina carmen;	153
	sive chelyn digitis et eburno verberare pulsas,	
	dulcis apollinea sequitur testudine cantus	
	et te credibile est Phoebō didicisse magistro.	
	nec pudeat pepulisse lyram, cum pace serena	
170	publica securis exultent otia terris,	158
	nec pudeat, phoebea chelys si creditur illis	
	pulsari manibus, quibus et contenditur arcus.	
	sic movisse fides saevus narratur Achilles,	
	quamvis mille rates Priameius ureret heros	
175	et gravis obstreperet modulatis buccina nervis.	163

vs. 158. *docebunt* SIC. Bas. Lugd. 1. 3. Mic. 1. 2. Francof. 1601 et 1649. *decebunt* Lugd. 2. Mic. 3.

vs. 159. *aevum* SIC. Bas. Mic. Lugd. 1. 2. 3. BM. Colon. 2. Web. et pro v. l., quam probat, Cort.; *orbem* IUN. Hd. Bk. et pro v. l. ex duobus libris Bersm. Illud bene defendit Ung. p. 271 laudatis vs. 222 et 243.

vs. 160. *vitali c. pr. tr. aurae* legi vult. M. Lag.

vs. 162. *omissae* vitiose Pulm. Pith.

vs. 163. *lepos, si* SIC. Mic. *scu* pro *si* coniec. Bk. sine idonea causa, ut monet Ung. p. 272.

vs. 166. *sivae* vitiose Lugd. 3. — *chelin* Sic.

vs. 167. *cantus*. Sic. *cantus*: Mic. BM.

vs. 170. *securus* Iun. Pulm. 1. Scal. 2. *securis* Pulm. 2 etc. — *exultent* Iun. CO. Hd. Bk. — *otia* Sic. Mic. Iun. Pulm. Pith. BM.

vs. 171. *pudeat, Phoebea chelys si* etc. BM. Reich. Bk., quod et Ung. in literis ad me datis probat;

ceteri pudeat Phoeb. chelys, si etc.; cf. Bauer ad Sanct. Min. I, 3 p. 348. — Vs. 171, 172 ex priore adumbratione eius sententiae, quam poeta versibus 169. 170 felicius expresserit, ortos atque invito poeta in textu propagatos esse male putat Web.; est gradatio. Sensum loci particulis *et δὲ* comparatis explicat Ung. p. 276 sq. — *Phoebaea* Pith. — *chelis* Sic. *chelys* Francof. — *ullis* Colon. 1.

vs. 173. *sic movisse fides saevus n. A.* SIC. Mic. 1. 2. 3. Lugd. 1. 2. 3. BM. Colon. 2. et pro v. l. Cort. *ipse fidem movisse ferox n. A.* IUN CO. Hd. Bk. et pro v. l. ex Scal. et aliquot libris Bersm. — *sic m. fidem* Bas.

vs. 174. *primaevus* Sic. Bas. Colon. 1. — *Hector* pro *heros*, quod vs. 176 redeat, coniecit Wernsd.; placet Webero, refutatur a Bk.

- Sic. illo dulce melos Nerelus extudit heros lun.
 pollice, terribilis quo Pelias ibat in hostem.
 arma tuis etiam si forte rotare lacertis
 inque gradum clausis libuit consistere membris
 180 et vitare simul, simul et captare petentem; 168
 mobilitate pedum celeres super orbibus orbes
 plectis et obliquis fugientem cursibus urges;
 nunc quoque vivaci scrutaris pectora dextra,
 nunc latus adversum necopino percutis ictu.
 185 nec tibi mobilitas minor est, si forte volentem 173
 aut geminare pilam iuvat aut revocare cadentem
 et non sperato fugientem reddere gestu.
 haeret in haec populus spectacula totaque ludos
 turba repente suos iam sudabunda relinquit.
 190 te si forte iuvat studiorum pondere fessum 178
 non languere tamen lususque movere per artem;

vs. 176. ille cum asterisco versui apposito Sic. —
extulit Pulm. 2. Pith. Francof. 1601. 1649. Aurel. et pro
 v. l. Cort., quod Reich. recepit, quum *extudit* diffi-
 cultatem indicet neque ad v. dulce quadret. *extudit*
 comprobatur Bk.

vs. 177. *ibat in hostem*. A Schradero feliciter re-
 stitutum esse *Pelias ierat hasta* ait Kooten. in II.
 Homer. Epit. 692 p. 199. UNG.

vs. 178. Vs. 178 (166) — 189 (177) Bk. propterea
 olim post vs. 208 (196) transpositos fuisse et transpo-
 nendos esse putat, quod ex his ita collocatis Schol.
 Iuvenal. V, 109 sua de populo ad Pisonem latrunculis
 ludentem accurrere solito hausisset. Refutat eum Ung.
 p. 263.

vs. 179. *inque gradum*. Lips. (v. d. ap. Cort.)
 Saturn. II, 20 p. 971 emendavit *gradu*, quod pro v. l.
 Bersm. habet et Wernsd. comprobatur. Vulgatam recte
 defendit Bk.

vs. 180. *et virtute corrupto* quidam Cort. teste
 coniecit. *utare* Colon. 1.

vs. 182. *plectis* Sic. Lugd. 1. 3. Mic. 1. Francof.
pectis Bas. *plectis* i. implicas comprobatur et Ung. p.
 270; adde Phaedr. V, 9, 3 ibique criticos. *fectis* IUN.
 Lugd. 2. BM. CO. Hd. Bk.

vs. 183. *nunc quoque* SIC. Mic. 1. 2. 3. Lugd. 1. 2. 3.
 BM. Colon. 2. et pro v. l. Cort. — *et nunc* Bas. (?)
 IUN. CO. Hd. Bk. et pro v. l. ex Scaligero Bersm. —
vivaci non est mutandum; cf. Ung. p. 275. Barth. (v. d.
 apud Cort.) Advers. XXVII, 14 p. 1300 ex MS. Eburon.
 habet *et nunc scrutaris vitalia pectora dextra*, quod
 ei non ineptum videtur, sed Wernsd. et Bk. non probabile
 propter v. *pectora* adiectum. — *scrutaris* VA., unde
 M. Lag., quum *scrutaris* nimis saevum sit in certamine
 ludicro, *sectaris* corrigit.

vs. 187. *caestu* Bas. et pro v. l. Sic.

vs. 188. *moeret* legitur in Lucan. Amstel. 1626,
 quod Cort. recte damnat. *haeret ad haec* melius h. l.
 legendum putat Wernsd., quem minus recte refutat Bk.;
 cf. Ung. p. 275.

Sic.	callidior modo tabula variatur aperta	Iun.
	calculus et vitreo peraguntur milite bella,	
	ut niveus nigros, nunc et niger alliget albos.	
195	sed tibi quis non terga dedit? quis te duce cessit	183
	calculus? aut quis non periturus perdidit hostem?	
	mille modis acies tua dimicat: ille petentem	
	dum fugit, ipse rapit; longo venit ille recessu,	
	qui stetit in speculis; hic se committere rixae	
200	audet et in praedam venientem decipit hostem.	188
	ancipites subit ille moras similisque ligato	
	obligat ipse duos; hic ad maiora movetur,	
	ut citus et fracta prorumpat in agmina mandra	
	clausaque deiecto populetur moenia vallo.	
205	interea sectis quamvis acerrima surgant	193
	praelia militibus, plena tamen ipse phalange	
	aut etiam paucos spoliata milite vincis	
	et tibi captiva resonat manus utraque turba.	

vs. 192. *calidior* Mic. 1. Francof.; cf. Schol. ad Iuven. V, 109.

vs. 194. *sic et niger* Senftleb. de alea vet. c. 12 p. 1190 Gron. — *adliget* CO. praeter Reich.; *alliget* ceteri.

vs. 195. *qui te duce* Senftleb. l. l. vit. typ., ut videtur.

vs. 198. *recessu*. Sic. Mic. 1. 2. 3. Lugd. 3. BM. punctum addunt, quod et Cort. observavit, IUN. etc. comma.

vs. 199. *speculis* Mic. 1. 2. 3. BM. addunt comma; ceteri maiorem distinguendi notam. — *rixae* vitiose Bersm. 1.

vs. 201. *similesque* vitiose Reich.

vs. 202. Pro *obligat* Cort. (non Wernsd.) et hic coniec. *adligat*, quod probat M. Lag. — *tuos* Colon. 2. *duos* cum commate apposito et in fine versus cum puncto geminato Mic. 1.

vs. 203. [[*efracta prorumpat* v. d. [P. S.] apud Daniel. Souterium in Palamede p. 62. [c. 19 p. 1036 Gron.] M. Lag.]] Souter. ipse l. l. et c. 4 p. 1016 Gron. et *fracta perrumpat*. — et *tracta* Reich. — *prorumpas* vitiose Lugd. 3. — Senftleb. l. l. *agmine* vit. typ. — *mandra* puncto addito Francof.

vs. 204. *populentur* Mic. 3. Colon. 2. et Senftleb. l. l.

vs. 205. Senftleb. c. 12 p. 1191 legi vult *septis*, quem Wernsd. bene refellit. Vulgatum et M. Lagunae melius placet et obtineri posse idem dicit Senftleben. — *quamvis* Mic. 1. 3. BM.

vs. 206. *praelia* Sic. Mic. Lugd. 3. Iun.; *proelia* ceteri. — *ipsa* Sic. Colon. 1.

vs. 207. *aut* additus est asteriscus in Sic. — *spoliatus*, quod Wernsd. a Iuu. editum esse falso putat. coniecit Cort. et recepit variandae constructionis causa Bk. Ceteri habent *spoliata*. — *vincis* cum puncto addito Francof.

Sic.	sed prius emenso Titan versetur Olympo,	Iun.
210	quam mea tot laudes decurrere carmina possint.	198
	felix et longa iuvenis dignissime vita	
	eximiumque tuae gentis decus, accipe nostri	
	certus et hoc veri complectere pignus amoris,	
	quodsi digna tua minus est mea pagina laude,	
215	at voluisse sat est; animum, non carmina iacto.	203
	tu modo laetus ades; forsan meliora cenemus	
	et vires dabit ipse favor, dabit ipsa feracem	
	spes animum; dignare tuos aperire penates,	
	hoc solum petimus. nec enim me divitis auri	
220	imperiosa fames et habendi saeva libido	208
	impulerant sed laudis amor. iuvat, optime, tecum	
	degere cumque tuis virtutibus omne per aevum	
	carminibus certare meis; sublimior ibo,	
	si famae mihi pandis iter, si detrahis umbram.	
225	abditā quid prodest generosi vena metalli,	213
	si cultore caret? quid inertī condita portu,	
	si ductoris eget, ratis efficit, omnia quamvis	
	armamenta gerat teretique fluentia malo	
	possit et excusso dimittere vela rudente?	

vs. 209. *Titam* Pith. — *mersetur* scil. *oceanō* coniecit Wernsd. probante Bk., qui *versari* negat eam habere significationem, ut sit *vergere in occasus*.

vs. 211. *foelix* Mic. 1.

vs. 213. *ut hoc* Sic. Mic. 1. 2. 3. Lugd. 1. 3. Colon. 1. 2. Francof. *et hoc* Bas.(?). Lugd. 2. IUN. BM. CO. Hd. Bk.

vs. 215. *aduoluisse* Mic. 1. 3. — *carmina* et pro v. l. *carmine* Sic.

vs. 216. *forsitan* Bersm. 1. — *tenemus* Pulm. Scal. Pith. Aurel. Maitt. et pro v. l. Cort. Errorem Scaligeri nisi forte eius, qui apographum cod. Atrebatensis cura-

verat, iam correxit Lindenbrog. ad Scalig. Append. 1595 p. 318. *cenemus* SIC. Bas. Iun. etc.

vs. 218. *penateis* Scal. *penatheis* Pith.

vs. 221. *impulerant* SIC. Bas. Lugd. 1. 2. 3. Mic. 1. 2. 3. BM. Cort. et Web. *impulerit* IUN. Aurel. Maitt. Bip. 1. 2. Hd Bk. et pro v. l. Bersm. et Cort. *impulerunt* legendum putat Wernsd.

vs. 227. *quavis* Mic. 1. 3. BM.

vs. 228. *ferat* IUN. CO. Hd. et pro v. l. Bersm. *gerat* SIC. Bas. Lugd. 1. 2. 3. etc.

vs. 229. *demitte* pro *dimittite* coniecit M. Lag.

Sic.	ipse per ausonias aeneia carmina gentes	Iua.
231	qui sonat, ingenti qui nomine pulsat Olympum	219
	Maeoniumque senem romano provocat ore,	
	forsitan illius memoris latuisset in umbra	
	quod canit et sterili tantum cantasset avena	
235	ignotus populis, si Maecenate careret.	223
	qui tamen hand uni patefecit limina vati,	
	nec sua Vergilio permisit numina soli,	
	Maecenas tragico quatientem pulpita gestu	
	erexit Varium, Maecenas alta tonantis	

vs. 230. *genteis* Pulm. Scal. Pith.

vs. 231. *canit* pro *sonat* ex memoria, ut videtur, Meibom. de Maecen. p. 104.

vs. 232. *Maeoniumque* Cort. Bip. 1.

vs. 234. *quod canitet ster.* VA.; M. Lag., cui vv. *canit* — *cantasset* vix ferenda videntur, rescribit *quod cecinit sterili tantum modulatus avena*. Neque hoc, neque *cecinit sterili et* probaverim; cf. vs. 231.

vs. 235. *Maecenate* Sic. Lugd. 2. 3. Mic. 1. IUN. Francof. *Maecenata* BM. Mic. 3.

vs. 236. *Et tamen* laudat Meibom. Maecen. p. 108. — Barth. Advers. XXII, 22 p. 1114 (cf. et XXIV, 14 p. 1198) [et in Grat. Cyneg. 98 p. 87 [p. 55]. *UNG.*] *lumina* scribendum suspicatur idque comprobatur vs. 224 et vs. 256. Vulgatam defendunt Wernsd. et M. Lag.

vs. 237. *Vergilio* SIC. Mic. 1. Lugd. 2. 3. Francof. — *numina* SIC. Lugd. 1. 2. 3. Mic. 1. 2. 3. BM. (non solus, ut Wernsd. ait,) Francof. CO. Hd. *nomina* Bas. IUN. Aurel. Reich. Bk. et pro v. l. Cort. *numina* tumentur Barth. Advers. XXIV, 14 p. 1198 et M. Lag., sed ille Augustum intelligens, hic pro se accipiens.

vs. 238. *Maecenas* Sic. Lugd. 2. 3. Mic. 1. 3. IUN. Francof. — *carmina* pro *pulpita* ex memoria laudat Meibom. l. l. p. 108. — *caestu* SIC. Bas. (?) Lugd. 1. 3. Mic. 1. 2. 3. BM. CO., quod Bk. damnat. *gestu* Lugd. 2. IUN. Hd. Bk. et (non *caestu*, ut ap. Hd. per errorem,) pro v. l. Lugd. 1. 3. Mic. 1. 2. 3. Bersm. (ex tribus libris) Colin. 2. Cort. *gestu* i. dramate, actu probant Wernsd. et Reich. Triller vero in Lucan. Cortii T. I p. XX,

ut cothurnus tragicus intelligatur, Heyne ad Vit. Virg. Donat. XIV §. 53 et Mitscherl. ad Horat. Od. II, 1, 11 emendant *gressu*, quod comprobatur Weichert de L. Vario p. 64sq. Barth. Advers. XXIV, 14 p. 1198 emendabat *socco*.

vs. 239. *erexit* SIC. Bas. Lugd. 1. 2. 3. Mic. 1. 2. 3. BM. Colon. 2. Francof. et pro v. l. Cort. damnatum a Bk. *everit* IUN. CO. et pro v. l. ex Scal. et alio libro Bersm., quod probatur Weichert. l. l. — *Varum* SIC. Lugd. 3. Mic. 1. 3. Bersm. Francof. *Varium* Lugd. 2. IUN. etc. Bersm. pro v. l. ex Scal. et alio libro, sic et Cort. — *Maecenas* SIC. Lugd. 2. 3. Mic. 1. 3. IUN. — *tonantis* SIC. Bas. Lugd. 1. 2. 3. Mic. 1. 2. 3. BM. Colon. 2. Bk. et pro v. l. Cort. *Toantis* IUN. Hd. et pro v. l. Bersm. *Thoantis* CO. Aurel. Locus corruptus, in quo iam multi sudarunt. Reich. *alta tonantis* pro *alte tonantis* cum v. *nomina* coniuncta ad unum refert Varium, quod probant Langins in Vindic. trag. Rom. p. 5, donec melius reperiatur, et Bk. Barth. Advers. XXIV, 14 p. 1198 (cf. et ad Stat. Theb. VIII, 239) vult *alta Latinos* pro *alta Toantis*. Barthii coniecturam fere omnes damnant, excepto Wernsd., qui tamen ipse *alta sonantis* vel *sonantum* corrigit idque T. V p. 1476 sq. comprobatur. M. Lag. in tentando hoc loco sibi non satisfacit neque Heldius. E. Q. Visconti in Iconog. Rom. Vol. II §. 7 p. 391 pro *Thoantis* substituit *Thyestae* s. *Thyestis* nomen tragoediae Varianae, quam coniecturam vulgatae nil praestare recte monet Weichert. l. l. Hic vero, sensum quidem loci *Maecenatis patro-*

- Sic. eruit et populis ostendit carmina vatis, lun.
 241 carmina romanis etiam resonantia chordis, 229
 ausoniamque chelyn gracilis patefecit Horati.
 o decus, in totum merito venerabilis ævum,
 Pierii tutela chori, quo praeside tuti
 245 non unquam vates inopi timuere senectae, 233
 quodsi quis nostris precibus locus, et mea vota
 si mentem subiere tuam, memorabilis olim
 tu mihi Maecenas tereti cantabere versu:
 possumus aeternae nomen committere famae,
 250 si tamen hoc ulli de se promittere fas est 238
 et deus ultor abest; superest animosa voluntas

cinio effectum esse, ut Romae prodirent poetae, qui sese opponere possent Graecis, a Barthio optime intellectum esse contendens, emendat tenebris pro tonantis, nimis a scriptura vulgatae recedens. Lachmannus, Hauptio teste de carmin. bucol. p. 37, scripsit *Macc. trag. quat. pulpita gestu Exerit Var., Maecenas apta togatis Eruit et populis ostendit acumina Gai*, ita ut poeta ad togatas sive trabeatas fabulas Melissi liberti respiciat; coniectura sane acuminis plena sed non apta. R. Unger denique, ex nomine Maecenatis repetito non iam de Varro esse sermonem recte colligens, primum p. 271 (ubi *carmina* pro *nomina* correxit), deinde in literis ad me benevole missis haec sic corrigenda esse censet: *Maecenas alta tonantis Eruit et populis ostendit carmina vatis, Carmina Romanis etiam resonantia chordis, Ausoniamque chelyn gracilis patefecit Horati*, quae vir acutissimus se in Cinnæ commentariis mox edendis contra Weichertum et alios obtinuisse mihi indicavit. Coniecturam praeclaram recipere non dubitavi; fortasse tamen cum Wernsd. scribendum *alta sonantis*, ut ipse Horat. Sat. I, 4, 44 et Iuvenal. XI, 179 de Virgilio *altisonus*. Ipse versu 242 eiecto prius tentaveram *ostendit carmina Flucci*, sed *alta tonantis* s. *sonantis* et *gracilis* aperte sibi respondent, quum varia poesis lyricae genera, quibus utebatur Horatius, significant. Neque *carmina Rufi*

lyrici poetae (Ovid. P. IV, 16, 28) aut *Gracchi* tragici Horatianis bene opponi possunt. Praeterea mihi in mentem venerat *carmina lactis vel gratis pro nomina Graiis*, sed praefero Unger emendationem.

vs. 240. Vulgo *nomina Graiis*.

vs. 242. *chelin* Sic. — *facilis* pro *gracilis* voluit Cuper. Obs. I, 5 p. 29, sed postea ipse abiecit. — *proscit* VA., unde M. Lag. voluit *proverit*, ne idem vocabulum (cf. vs. 236) rediret. — *Arati* Sic. Lugd. 1. 3. Mic. 1. 3. Colon. 2. Francof. *Horati* Bas. (?). Lugd. 2. IUN. BM. etc.

vs. 243. *decus in totum — ævum* SIC. Bas. Lugd. 1. 2. 3. Mic. 1. 2. 3. BM. Colon. 2. Francof. et pro v. l. Cort.; cf. vs. 222. *decus et tota — ævo* IUN. CO. Hd. Bk. et pro v. l. Bersm. et cum addito in pro v. l. in marg. Sic. Noli scribere in *totum et — ævum*; cf. Virg. G. II, 40.

vs. 245. *nonnunquam* Sic. *non unquam* Cort.

vs. 248. *Mecoenas* Sic. Lugd. 2. 3. Mic. 1. 3. Iun. Francof.

vs. 250. *si tamen huic de se cuiquam scriptum* affert Mercer. in *Aristaenet.* I, 1 p. 242 [p. 11]. UNG.

vs. 251. *ultor abest* SIC. Bas. Lugd. 1. 3. Mic. 1. 2. 3. IUN. BM. Francof. CO. Hd. Bk., ut sit *Nemesis* s. *invidia*, quemadmodum Mercer. l. l. recte explicat. *autor* [auctor Bersm. Cort.] *adest* Lugd. 2. et pro v. l.

Sic. ipsaque nescio quid mens excellentius audet. lun.
tu nanti protende manum, tu, Piso, latentem
exere; nos humilis domus et sincera parentum
255 sed tenuis fortuna sua caligine celat. 243
possumus impositis caput exonerare tenebris
et lucem spectare novam, si quid modo laetus
annuis et nostris subscribis, candide, votis.
est mihi, crede, meis animus constantior annis,
260 quamvis nunc iuvenile decus mihi pingere malas 248
coeperit et nondum vicesima venerit aestas.

Sic. Bas. Mic. 1. 2. 3. Lugd. 3. Bersm., non probans, et Cort. Negat se hanc lectionem in libro invenisse Wernsd.

vs. 253. *audenti* pro *tu nanti* teste Wernsd. prae- tulit Santen., qui et *tu nati* a viro docto ad hunc locum esse notatum scribit. Santenii coniecturae adversatur Bk. Burm. ad Propert. I, 6, 25 nihil tamen monens affert *tu vati*, quod et M. Lag. invenerat ex *tu nati*, quod est in VA. — Pro *latentem* Burm. l. l. tentabat *iacentem*, quod reprobatur M. Lag.

vs. 254. *exsere* CO. Hd. Bk. — non *humilis* iam Toll. in Auson. Grat. Act. p. 716, quod ignorat Beck. UNG. non pro *nos* correxerunt Hd. (cf. Praef. p. II propter verborum structuram et sensum loci nexumque) et Bk. (cf. Proleg. p. 11 sq.), qui et ante v. *parentum* distinguit. Heldii et Beckii coniecturam optime refutat Ung. p. 264 sq. — Pro *et sinc.* Lipsius in Lucani quodam exemplo bibliothecae Leidensis Wernsd. teste scripserat *at sinc.* — *syncera* Sic. Mic. 1. 3. Lugd. 2. 3. Francof.

vs. 255. Pro *sed* Reich. mavult *et*, nisi *celat* ita

intelligas, ut de domo tantum usurpetur. Nihil esse corrigendum, sed *humilis domus et fortuna parentum sincera*, quibus *sed tenuis* opponatur, esse coniungenda dicit Censor Hall. L. Z. 1837 Erg. 51 p. 403 sq. — *caelat* Sic. Pulm. 1. 2. Scal. 1. 3. Pith.

vs. 256. *exornare* Francof. et Ovid. 1649. Burm. ad Propert. I, 10, 15 emendabat *exsertare*, quod impugnat M. Lag.

vs. 258. *adnuis* Cort.

vs. 259. *est, mihi crede, meis* Mic. 1. *est mihi, crede, meis* ceteri.

vs. 261. *aetas* SIC. Lugd. 1. 3. Mic. 1. 2. 3. BM. Colon. 2. Francof. et pro v. l. Cort. *aestas* Bas. (?). Lugd. 2. IUN. CO. Hd. Bk. et pro v. l. Mic. Lugd. 3. Bersm., ex tribus libris id probans, et Colon. 2. — Barth. in Advers. XLIX, 7, ordinem versuum Iunianum secutus, carmen non integrum ad nos pervenisse arbitratur, cuius sententiam Wernsd. p. 45 refellit. Finem panegyrici his versibus apte constitui docet Ung. p. 273.

Compendia scripturae, quae in adnotatione critica insunt, explicantur.

- Amstel. = Ovidii Opera. Amstelod. 1649.
 Amsterod. = Ovidii Opera. Amsterod. 1624.
 Aurel. = Corp. vet. poet. lat. Aureliae Allobrog. 1611.
 Bas. = Ovid. Amator. Basil. 1534.
 Bersm. 1. = Ovid. Opera. Ed. G. Bersmannus. Lipsiae 1582.
 Bersm. 2. = Lucanus. Ed. G. Bersmannus. Lipsiae 1589.
 Bip. 1. = Lucanus. Biponti 1783.
 Bip. 2. = Lucanus. Biponti 1807.
 Bk. = Statii ad Calpurn. Pison. poemation. Ed. C. Beck. Onoldi 1835.
 BM. = Bersmannus et qui eum sequuntur.
 CO. = Cortius et qui eum sequuntur.
 Colon. 1. = Ovidii Amatoria. Colon. Agripp. sine anno (post 1555).
 Colon. 2. = Veterum poet. carmina. Colon. Agripp. 1590.
 Cort. = Lucanus. Ed. G. Cortius. Lips. 1726.
 Francof. = Ovidii Opera. Francofurti 1601.
 Hd. = Incerti auctor. ad Calpurn. Pison. carmen. Ed. I. Held. Vratislav. 1831.
 Iun. = Hadr. Iunius. Animadversor. Libri sex. Basileae 1556.
 IUN. = Iunius et qui eum sequuntur.
 Lem. = Poetae Lat. Minor. Ed. N. E. Lemaire. Paris. 1824.
 Lugd. 1. = Ovidii Amatoria. Lugdun. 1540.
 Lugd. 2. = Ovidii Amatoria. Lugdun. 1550.
 Lugd. 3. = Ovidii Amatoria. Lugdun. 1555.
 M. Lag. = Martini-Laguna in Addendis ad Wernsd. T. IV. 1785.
 Maïtt. = Opera vet. poet. lat. Ed. M. Maïttaire. Londini 1713.
 Mic. 1. = Ovidii Opera amatoria. Ed. Iac. Micyllus. Basil. 1549.
 Mic. 2. = Ovidii Opera amatoria. Ed. Iac. Micyllus. Francof. 1575.
 Mic. 3. = Ovidii Heroides etc. ex postrema I. Micylli recognit. Francof. 1579.
 Pith. = Epigrammata et poemata vetera. Ed. P. Pitkoeus. Lugd. 1596.
 Pulm. 1. = Lucanus. Ed. Th. Pulmannus. Antverp. 1564.
 Pulm. 2. = Lucanus. Ed. Th. Pulmannus. Antverp. 1576.
 Reich. = Sylloge opuscul. veter. poetic. Ed. H. G. Reichardus. Lips. 1793.
 Scal. 1. = Virgilii Appendix. Ed. Ios. Scaliger. Lugduni 1573.
 Scal. 2. = Virgilii Appendix. Ed. Ios. Scaliger. Antverp. 1575.
 Scal. 3. = Virgilii Appendix. Ed. Ios. Scaliger. Lugduni Bat. 1595.
 Sic. = Ovidii Opera amatoria. Ed. Io. Sicardus. Basil. 1527.
 SIC. = Sicardus et qui eum sequuntur.
 UNG. = Unger in notis manuscriptis.
 Ung. = Unger in censura edit. Beckianae apud Iahn. VI p. 261 sqq. (1836).
 VA. = Codex Varsaviensis.
 Web. = Corp. poet. lat. Ed. G. E. Weber. Francof. 1832.
 Wernsd. = Poetae lat. min. Ed. J. Ch. Wernsdorf. Tom. IV. Altenburgi 1785.

Aus unserem Verlage kann durch jede Buchhandlung von uns bezogen werden.

Abaelardi (Petri), Sic et Non. Primum integrum ediderunt Dr. E. L. T. Henke et Dr. G. S. Lindenkohl. br. Rthl. 2. oder Fl. 3. 30 kr.

Buchanan, Dr. G., Leben und Schriften des Bureard Waldia. 4. br. 12 Sgr. oder 40 kr.

Caesar, Dr. C. J., Prof. Marburg., de carminis graecorum elegiaci origine et notione. gr. 8. br. 12½ Sgr. oder 45 kr.

— — ein Beitrag zur Charakteristik Osfrid Müllers als Mytholog. Sendschreiben an Prof. Welcker in Bonn. br. 3 Sgr.

Deuschle, Dr. J., die platonische Sprachphilosophie. br. 20 Sgr. oder Fl. 1. 12 kr.

Dietrich, Dr. F. E. C., Codicum Syriacorum specimina quae ad illustrandam dogmaticam de caena sacra nec non scripturas syriacas historiam facerent, e Museo Britannico aiegit, explicuit, tabulisque sex lapidei incidi curavit. br. 20 Sgr. oder Fl. 1. 12 kr.

— — zwei Syrische Inschriften, eine griechische aus christlicher Zeit und eine armenische Holographie. Mit drei Tafeln und einer Karte. br. Rthl. 1.

Engel, Dr. G., das System des Johannes. — — — — — Untersuchung. br. 12 kr.

Hebert, Dr. A., Prof. in Marburg, Handbuch der italienischen National-Literatur. Historisch geordnete Anthologie der Poesie und Prosa von der ältesten bis auf die neueste Zeit nebst einem Abriss der Literatur-Geschichte. br. Rthl. 2. 20 Sgr. od. Fl. 4. 40 kr.

Faldner, Dr. L., adnotationes in Euripidis Medae prologum. br. 8 Sgr. oder 27 kr.

Hartwig, Dr. G., Henricus de Langenstein dictus de Hassia. Zwei Untersuchungen über das Leben und die Schriften Heinrichs von Langenstein. br. 20 Sgr. oder Fl. 1. 12 kr.

Hegesippus qui dicitur sive Egesippus de bello Judaico opo codicis Cassellani recognitus. Edidit O. F. Weber, Prof. Marbg. Fasc. I—II. br. Rthl. 1. 6 Sgr. oder Fl. 2. 6 kr.

Marburg, im Juni 1859.

Hermann, O. F., Prof. Götting., editionem Lasei curam. br. Rthl. 1. 15 Sgr.

— — de mensuris et religionibus antiquae fabulae chymicae. br. 12½ Sgr. oder 45 kr.

— — de veteribus institutis rebusque antiquae atheniensium, per Platonem de Legibus libris digesta. — Eiusdem commentatio juris domestici et domesticorum Platonem in Legibus cum veteris atheniensium institutis. br. 20 Sgr. oder Fl. 1. 12 kr.

— — vindictarum Platoniarum libelli duo. br. 30 Sgr. oder Fl. 1. 12 kr.

— — antiquitates Lasei curam. Rthl. 1. 15 Sgr. oder Fl. 2. 45 kr.

— — lectiones Porcianae. br. Rthl. 1. oder Fl. 1. 45.

Hyperbolicus oratio pro Euxenippo et orationis pro Lycophrone fragmenta. Cum adnotatione critica in usum scholarum academicarum edidit J. Caesar, Prof. Marbg. br. 6 Sgr. oder 20 kr.

Vossius, Dr. Fr., Prof. in Marburg, Geschichte der philosophischen Moral, Rechts- und Staatliche der Engländer und Franzosen mit Hinsicht auf die Geschichte der Naturgeschichte.

— — — — — br.

Plato's Gesetze. Uebersetzt und erklärt von Dr. Ed. Zeller, Prof. in Marburg. br. 10 Sgr.

Spicilegium hymnologicum continens I. Hymnos veteres ineditos et editorum lectionis variationem. II. Hymnorum veterum qui apud evangelicos in linguam germanicam versi non fuerant doctum collegit A. F. C. Vilmar, Prof. Marbg. br. 12 Sgr.

Weber, Dr. C. F., commentaria de ecclesia literaria Atheniensium seculo secundo post Christum constituta. br. 12 Sgr. oder 40 kr.

— — de agro et vino Falerno. Cum tabula geographica. br. 20 Sgr. oder Fl. 1. 12 kr.

Weissenborn, Dr. G., Vorlesungen über Pantheismus und Theismus. br. Rthl. 1. 5 Sgr. oder Fl. 2.

N. G. Elwert'sche Univ.-Buchhandlung.